

নাগপাশ

মনীন্দ্র মজুমদার



কলকাত্তা পাবনাট্টা সংঘ

ভারতীয় .গণনাট্য সংঘের তরফ থেকে
শ্রীনাথায়ণ গুহবায় কর্তৃক
৪৬, ধর্মতলা ষ্ট্রীট থেকে প্রকাশিত

প্রথম সংস্করণ

পঞ্চম জুন—১৯৫২


দাম : এক টাকা

মুদ্রক

শ্রীশঙ্করনাথ বন্দ্যোপাধ্যায়

মানসী প্রেস

৭৩, মাসিকতলা ষ্ট্রীট, কলিকাতা।



গণনাট্যের জন্মে যাঁরা
প্রাণ দিয়েছেন—সেই
ভাবমাধব ও সুরশীলের
অগ্নান স্মৃতির উদ্দেশ্যে—

মনীন্দ্র মজুমদার

ভূমিকা

আমি একজন নাট্যকার। কিন্তু এই কথাটাই বোধ হয় যথেষ্ট নয়। সেইজন্মে, যখন আরো স্পষ্ট কোরে বলি যে, আমি একজন গণনাট্যকার, তখন অণ্ণের দৃষ্টিকে আমি নিশ্চয়ই আকর্ষণ কবি, যেমন অণ্ণে আকর্ষণ করে আমার।

অনাবিকৃত সমাজ-সত্য বর্তমানের বহুবিধ জটিল সম্পর্কের অবরোধে বিত্তমান। সে কাঁপছে আগ্নেয় এক শিখায়। আগামীকালে সে জ্যোতির্ময়তায় উদ্ঘাটিত হবেই। তার প্রতিবিন্দন রয়েছে মানুষের আশা-হতাশাময় আবেগের আয়নায়। তাকে চলেছে চেনার পালা তার সঠিক গতি ও প্রকৃতিতে—তার ঐতিহাসিক সত্যকপে। আর, তারই স্বচ্ছন্দ বিশালত্বে তাকে উন্মোচিত করে গণনাট্যকার। কেননা, তার সঙ্গে পরিচয় গণনাট্যকারেরই বেশী—মানুষের প্রকৃত বেদনা ও স্বপ্নকে নির্ভুল বলিষ্ঠতায় উপস্থাপিত কোরতে গণনাট্যকারই সবচেয়ে বেশী অগ্রগামী।

কিন্তু যদি কেউ বলেন যে, গণনাট্যকার হিসাবে মুগর হবার দাবীটা খুব কাঁচা, আর শোনায স্পর্ধার মতো, তাহোলে আমি এই কথাই বলবো যে, আগামীদিনের পরিপূর্ণ গণনাট্যকার এই মুহূর্তের দাবীর ধারায় সঙ্গত ও সার্থক—নাহোলে নয়।

“নাগপাশ” আমার দ্বিতীয় মৌলিক রচনা। প্রায় দেড়বছর আগে এ-নাটক রচিত হোয়েছে। পরবর্তীকালে যদিও এর অনেক-কিছু ক্রটি নজরে পড়েছে, তবুও, কোনো বৃহৎ রূপান্তর না ঘটিয়ে শুধু বহিসঙ্গ্রাহকে সামান্য স্পর্শ করা হোয়েছে। উদ্দেশ্য, বিকাশের গতি যাতে বোধ্য হয়।

তুই

নাটকটি পৰিচালনা কোবেছে শ্ৰীটিপু দাশগুপ্ত, আৰু এৰু প্ৰকাশনে তাৰ উদ্যমই প্ৰধান। এছাড়া শ্ৰীঅসিত সিংহবায় প্ৰক্ৰ দেগাৰ ব্যাপাৰে প্ৰথংসনীয সাহায্য কোবেছেন।

সৰু শেষে আমি ধন্যবাদ দোৰ গণনাটোৰ সভ্যদেব, বিশেষ কোবে উত্তৰ কলিকাতা শাখাৰ। তাঁদেব সমৰ্থন ও উৎসাহ না থাকলে নাটকটি হুযতো এতো তাডাতাডি প্ৰকাশিত হোতনা। ইতি—

পয়লা জুন, '৫২
গোবীবাড়ী,
কলিকাতা।

}

মনীশ্ৰ মজুমদাৰ।

পরিচালকের বক্তব্য

নাটকটি সৃষ্টি হতে পারে প্রয়োগ করা যেতে পারে তাই জানে কিছু ইঙ্গিত দেবার ইচ্ছে ছিল। কিন্তু সময় ও স্থানের অভাবে তা হোলে উঠলো না।

তবে নাটকটি পরিচালনার সময় নাট্যকাব্যের নির্দেশকে মনোমুগ্ধ অল্পসবণ কোবলে অনেকটা সুবিধা হলে, যে, আমি এদিকে দৃষ্টি রাখার জন্যে কিছুটা ছোঁব দিচ্ছি। যতাই নাটক অভিনয় করুন না কেন, নাটকের মূল আবেগকে সবারেই বসতে হবে এবং অভিনয়েই মাধ্যমে তাই পরিপূর্ণ উচ্চারণ হওয়া প্রয়োজন।

এই নাটকের অভিনয়ে প্রয়োজন হোলে আমরা সাধ্যমতে সাহায্য কোবতে পারবো।

শ্রীটিপু দাশগুপ্ত।

যাঁরা প্রথম অভিনয়ে অংশগ্রহণ করেছিলেন

প্রমথ		বমানাথ সেন গুপ্ত
বিনা		শান্তি মুন্ডাজী
বসেন	..	দিব্যানাথ গ ভট্টাচার্য
শিবদাস	..	ভকণ চন্দ্র
গামলাল		কান্ত মণ্ডল
অমিত		অমিত সেন গুপ্ত
মা	.	সীমা দাশ
মঞ্জু		শঙ্করী বিশ্বাস
সত্যিনী		কল্যাণী সেন গুপ্ত

অন্যদিনের অভিনয়ে অংশগ্রহণ ও অভিনয়কে সফল করার জন্যে যাঁরা সাহায্য করেছেন

শান্তি ভট্টাচার্য, শান্তি চক্রবর্তী, শ্রীটিপু দাশগুপ্ত, সুপ্রাণ ঘোষ, ননী ঘোষ, শোলা মুন্ডাজী, মনি মজুমদার, অমিত বোস, অন্ননা .বাস, শিবানী বিশ্বাস, মন্মতা সেন, সানন্দা ঘোষ ।

রূপসজ্জা : শক্তি সেন, অতুল ভট্টাচার্য, নাবায়ণ গুহবাঘ ।

ব্যবস্থাপনা : অজিত পাল, শঙ্কর লাহিড়ী, সন্তোষ দত্ত ।

পরিবেশন করেছে

ভারতীয় গণনাট্য সংঘ উত্তর কলিকাতা শাখা

পরিচালক :

শ্রীটিপু দাশগুপ্ত

ঃ চরিত্র ঃ

প্রমথ

বিনয়

রমেন

শিবদাস

রামলাল

অমিয়

একটি ছেলে

মা

মঞ্জু

লতিকা

নাগপাশ

প্রথম অঙ্ক

প্রথম দৃশ্য

[একটি দরিদ্র মধ্যবিত্ত পবিবাবের শোবার ঘর। একপাশে একটি চৌকী ও তাব ওপব বিছানা। কোনাকুনি একটি দড়ি টাংনো—তাতে আধময়লা কাপড়-চোপড়। এক কোনে একটি ছোট টেবিল, তাতে কিছু বইপত্র ও লেখবার সবঞ্জাম, তাব সঙ্গে স্নো, আয়না, চিরুণী, সিঁদুরকোটেটা ইত্যাদি। আর এক কোনে কয়েকটা বিবর্ণ বাক্সো পর পর সাজানো, দেয়ালে দেব-দেবীর ছবি ও ফটো। সময়—১৯৫২ সাল। শীতের সকাল। পরদা উঠলে দেখা গেল বাডীর বউ মঞ্জু গৃহস্থালীর কাজ কোরছে।]

নেপথ্যে মা ॥ বোমা—ও বোমা—

[মঞ্জু মাথায় কাপড় টেনে দরজার দিকে এগিয়ে গেল]

মঞ্জু ॥ যাই মা। [মা-র প্রবেশ]

মা ॥ থাক্ মা আর আসতে হবে না। [ঘরের মধ্যে দেগে] বিনয় কি বেরিয়েছে ?

মঞ্জু ॥ হ্যাঁ মা, খুব ভোরেই বেরিয়েছে। সতিঠাকুরঝির জন্ম পাত্র দেখার কথা আছে না !

মা ॥ তা আমার সঙ্গে একবার দেখা কোরে গেল না ?

মঞ্জু ॥ ভোরের ট্রেনটাতেই গেল কিনা । আপনি বোধ হয় ঘুমোচ্ছিলেন, তাই আর ডাকে নি ।

মা ॥ [বেদনায়] আমার কপালে কি ঘুম আছে মা ? ছেলে আমার সারারাত রক্ত তুলেছে ।

মঞ্জু ॥ রাত্রে মাঝে মাঝে কাশির শব্দ পাচ্ছিলুম বটে ।

মা ॥ হ্যাঁ, সেকি কাশির তোড় । তোমাদের আর ডাকি নি । রক্তে রক্তে ভাসিয়ে দিয়েছে বিছানা । গরীবের ঘরে কী যে কাল ব্যাধি এলো !

মঞ্জু ॥ কাল ব্যাধিই বটে । ঠাকুরপোর এই বয়স । আচ্ছা মা, ডাক্তার তো বলেছে ভাল হয়ে যাবে ।

মা ॥ ও শুধু সাস্থনা । এ যে রাজযক্ষ্মা মা । একে সারাতে গেলে অনেক পয়সার দরকার । কোথায় আমাদের পয়সা ? কে দেবে ? বিনয়ের দিকে তো আর চাওয়া যায় না । খেটে খেটে কি চেহারাই হয়েছে বাছার । আমি তো আর ভরসা করি না মা ।

মঞ্জু ॥ আপনি অতো ভাববেন না মা ।

মা ॥ না ভাবতে পারলেই তো বাঁচি । কাল সারারাত কেঁদে কেঁদে ভগবানের কাছে প্রার্থনা কোরেছি—‘হে ঠাকুর ছেলেকে আমার ভাল করে দাও ।’ কিন্তু ঐটুকু ছেলের মুখ দিয়ে যদি অতো রক্ত উঠে, তা হ’লে সে কি করে বাঁচবে মা ?

মঞ্জু ॥ ঠাকুরপো নিশ্চয় ভাল হ'য়ে উঠবে। ভগবান কি এতই নিষ্ঠুর ?

মা ॥ [বেদনায় হেসে] জানি না। আর জেনেই বা কি হ'বে ? কত আশা ছিল ! [কিছুক্ষন ধ্যানমগ্নের মতো থাকলো— তাবপব হঠাৎ আত্মসম্বিং ফিবে পেয়ে] যাও বৌমা—তুমি উমুনটায় আগুন দাও। আমি বরং—

মঞ্জু ॥ [বাধা আগ্রহে] যাচ্ছি মা। উমুনে আগুন দিয়ে আমি কাপড় কাচ্তে যাব। [প্রশ্নানোত হ'য়ে ফিবলো] কিন্তু মা, কয়লা বোধহয় ফুরিয়েছে।

মা ॥ না, যা আছে আজকের মত হোয়ে যাবে। বেলা হ'লে কয়লা আনিয়ে নিও। একদিকে তেল, মুন আর কয়লা, আর একদিকে মহাব্যাধি। কোথা থেকে যে কী হবে ! তুমি যাও আর দেবী কোব না। বিনয়ের আবার অফিসের দেবী হ'য়ে যাবে।

মঞ্জু ॥ আজ যে রবিবাব মা।

মা ॥ ওই দেখো, কিছু খেয়াল নেই। ভুলের আর দোষ কী বলো ?

[মঞ্জু একখানা সাড়ী, শায়া ও ব্লাউজ নিয়ে প্রশ্নানোত হ'ল]

হ্যাঁ, লতিকে একটু ডেকে দিও তো। কাল রাতে ওরও ছুর্ভোগ গেছে।

[মঞ্জুর প্রশ্নান]

[মা প্রথমে ঘরখানার চারিদিকে একবার দেখলো, তারপর ক্রমে ক্রমে

বিছানা, চেয়ার, টেবিল ইত্যাদি প্রত্যেকটি জিনিষকে অসীম মমতায় গুছিয়ে রাখতে লাগলো। এই অনাবশ্যক ও লম্বু গৃহকর্মে সংসারের প্রতি একটি চমৎকার প্রীতি ও মাধুর্য্য তার ভঙ্গিতে উদঘাটিত হ'ল।

গৃহকর্তা প্রমথর প্রবেশ। ৪৭।৪৮ বছরের, ছোটগাট্ট একটি মানুষ। শরীর শীর্ণ-জীর্ণ ও পাকানো। চুলে পাক ধরে নি কোথাও, কিন্তু সমস্ত শরীর দারিদ্র্যের আঘাতে চূর্ণ-বিচূর্ণ হয়ে গেছে। ক্রমাগত দারিদ্র্যের চাপে কিন্না স্বভাবত বৈশিষ্ট্য চোখদুটো অদ্ভুত রকমের ভয়ানক—সদাশঙ্কিত, যেন চোরের মত। সাধারণত মোজাস্থজি তাকিয়ে কথা বলে না। মানুষটা খুব দুর্বল চিত্ত। জোর করে নিজেব বক্তব্য প্রকাশ করতে পারে না। তাঁর কাপড় চোপড় ভিজ, গঙ্গাস্নান কোরে ফিরেছে। হাতে কমণ্ডলু ও গামছা কাঁধে। শীতে সে ঠক্ঠক্ করে কাঁপছে। ঘরে ঢুকেই কমণ্ডলু রেখে, ভিজ কাপড় নিংড়ে জল দিয়ে পা ধুলো।]

মা ॥ ছি ছি কী করলে বলো তো? বোঁমা এইমাত্র ঘরটা পরিষ্কার করে গেল—আর তুমি এসে একরাশ জল ফেললে?

প্রমথ ॥ [ভ্যাবাচ্যাকা গেয়ে। শীতে কাঁপছে] তাই তো—যা শীত! তা বেশী জল পড়ে নি।

মা ॥ তা এই শীতে গঙ্গাচানই বা কেন?

প্রমথ ॥ না হ'লে কী পূণ্য হয়?

মা ॥ পূণ্যের তো এই ফল। কিছু সুবিধে হ'ল? এদিকে সংসার যে অচল।

প্রমথ ॥ [কথাটার সম্ভাষণজনক উত্তর এড়িয়ে গিয়ে] হ্যাঁ—
শীতে একেবারে হাড় কাঁপিয়ে দিচ্ছে। তা আমার—
আলোয়ান—আলোয়ানটা কোথায় ?

মা ॥ কোথায় তা আমি কি করে জানবো ? নিয়ে যাও
নি কেন ?

প্রমথ ॥ নিয়ে যাই কি ক'রে ? কে কখন ঘাটে চুরি
করে নেয়। তা গেল কোথায় সেটা ? আমার জিনিষ পত্র—

মা ॥ দেখনা ওঘরে গিয়ে।

প্রমথ ॥ ওঘরে ? ওঘরে আছে নাকি ? তা বলতে
হয় সেটা—শীতে যে ম'লুম। [প্রশ্নান]

মা ॥ [ঝান হেসে] পূণ্য !

প্রমথ ॥ [নেপথ্যে] গেল কোথায় আলোয়ানটা—
ঘোড়ার ডিম,—কই, এ ঘরেও তো দেখছি না।

[প্রমথ ঢুকলো]

প্রমথ ॥ এই শীতে কী আমি হি হি করে কাঁপবো ?
আলোয়ানটা উধাও হ'য়ে গেছে ! আমার জিনিষপত্র কিছু
ঠিক থাকবে না। কেন আমি কি—নাও, এই শীতে এখন
আমি ঠক্ঠক্ ক'রে কাঁপি !

মা ॥ কী, হ'য়েছে কি ? [প্রমথ তাকিয়েই চোখ ফিরিয়ে নিল]

প্রমথ ॥ আলোয়ানটা পাখা হয়ে উড়ে গেছে !

মা ॥ উড়ে যায় নি, হয়তো বিনয় ওটা গায়ে দিয়ে
বেরিয়েছে।

প্রমথ ॥ [দপ ক'রে জলে উঠবার চেষ্টা করলো, কিন্তু ঠিক মতো পারলো না] কেন, আমার ওই ছেঁড়া-খোঁড়া পুরনো আলোয়ানটা নিয়ে টানাটানি কেন ?

মা ॥ ওর যে একটাও নেই ।

প্রমথ ॥ কেন, সে রোজগার করে কী জন্মে ? একটা কিনতে পারে না ?

মা ॥ সে যা রোজগার করে তা তো সংসার গর্ভেই ঢেলে দেয় । আলোয়ান কিনবে কোথা থেকে ?

প্রমথ ॥ জানি, আমার রোজগার নেই বলেই এ কথা বললে । বুড়া হয়েছি, শরীরে সামর্থ্য নেই—তাই তো এই অবস্থা । আমার জিনিষপত্র নিয়ে টানাটানি—আমাকে পিষে মারবার চেষ্টা ।

মা ॥ হ্যাঁ, তোমাকে তো সকলেই পিষে মারতে চায় । দিনরাত ওই চিন্তাই করছে । আলোয়ানটা নিয়ে বিনয় গেছে লতির পাত্র দেখতে, কোথাও ইয়ার্কি দিতে যায় নি ।

[প্রমথ নিরুত্তর]

মা ॥ তোমার আর কি ? মেয়ের বিয়ের জন্মে তোমার তো কোন ভাবনা নেই ? দিব্যি আছো—কোন দায়িত্বই নেই ।

প্রমথ ॥ ক্ষমতা থাকলে তো দায়িত্ব থাকবে ।

মা ॥ ক্ষমতা ! নিজের দোষে তুমি চাকরি খুঁয়েছ । এখন কে তোমাকে বুড়া বয়সে চাকরী দেবে ? সবই তো তোমার নিজের দোষ ।

প্রমথ ॥ [বেদনায়, দুঃখে তার মুখটা নীল হ'য়ে গেছে—কে যেন চাবুক মেরেছে হঠাৎ।] নিজের দোষ ! নিজের দোষ বই কি ! কারুর দোষ নেই। সব আমি আমার জন্তে কোরেছি। সব—সব। [হঠাৎ চূপ করে গেল]

[মা দেখলো, তারপর দড়ির কাছে গিয়ে একটা আধময়লা সূতির চাদর নিল]

মা ॥ [চাদরটা দিয়ে] নাও। এটা ততক্ষণ গায়ে দাও। শীতে যা কাঁপছে।

[প্রমথ চাদর গায়ে দিল]

ছেলে একটা জিনিষ নিয়েছে বলে স্বার্থপরের মত মেজাজ দেখাচ্ছ—আর ছেলে যে সমস্ত সংসারটি ঘাড়ে ক'রে বইছে, সে কথা ভেবেছো ?

প্রমথ ॥ ভাবনা চিন্তা আমার শেষ হ'য়ে গেছে।

মা ॥ সেই জন্তেই তো আজ এই হাল।

[প্রমথ একবার তাকিয়েই চোখ ফেরালো। তারপর চাদরটা ভাল করে গায়ে টেনেটুনে দিয়ে প্রস্থানোত্ত হ'ল]

মা ॥ আবার বেরোচ্ছ কোথায় ? চা নিয়ে কি বসে থাকবো ?

প্রমথ ॥ বসে থাকবে কেন ? আমার জন্তে বসে থাকবার কি দরকার ? আমি একটু ঘুরে আসি।

[প্রস্থান —লতিকার প্রবেশ]

লতিকা ॥ বৌদি—ও বৌদি একটু—

[মা'কে দেখে চূপ ক'রে গেল]

মা ॥ কী ?

লতিকা ॥ কিছু না ।

মা ॥ রমু কি কোরছে রে ?

লতিকা ॥ ছোড়দা ঘুমোচ্ছে ।

মা ॥ [নিঃশ্বাস ফেলে] যাক্—তবু ভালো । হ্যাঁরে, উন্ন
ধরেছে ?

লতিকা ॥ কখন—চা হ'য়ে গেল । হ্যাঁ মা, বাবা কোথায়
গেল ? চা খেল না যে ?

মা ॥ জানি না ।

লতিকা ॥ তোমার চা যে ঠাণ্ডা হচ্ছে ।

মা ॥ হোক । উন্ন কি খালি পড়ে আছে ?

লতিকা ॥ হ্যাঁ, তুমিই তো রান্না চড়াবে বল্লে—তাই—

মা ॥ তা এতক্ষণ বলিস্ নি কেন ? মিছিমিছি কয়লা
পুড়ছে । যা সব হোয়েছিচ্ছিস্ । [প্রশ্নান

[লতিকা মা-কে পেছন থেকে ঊঁকিমেরে দেখলো—তারপর চারিদিক্
সম্বর্ণনে দেখে, চট্ কোরে টেবিলেব কাছে গিয়ে স্নোর শিশিটা
নিয়ে তাডাতাড়ি একগাবলা তুলে নিয়ে শিশিগ বন্ধ ক'বে,
দ্রুত ও এলোমেলো হাতে মুখে মাগতে লাগলো । কিন্তু
অনেকগানি স্নো নেওয়াব ফলে তাডাতাড়ি সেটা মুখের
ত্বকে মিলিয়ে যেতে পারছে না । মুখেব এখানে ওখানে
স্নো লেগে রয়েছে । ইতিমধ্যে মঞ্জু ঘরে ঢুকলো, আর স্নো
নিয়ে লতিকার আনাডি অপব্যয়ের ব্যাপার দেখে দ্রুত তার
কাছে এলো]

মঞ্জু ॥ একি ঠাকুরঝি ? ছি ছি তোমার কাণ্ডজ্ঞান নেই দেখছি । এমন কোরে স্নো মাথে নাকি ?

[লতিকা নিকত্বব, ভষে ভষে মুখেব স্নো সামলাচ্ছে]

লতিকা ॥ [মুখ ঘসছে] কেন, আবার কি করে মাথে ?

মঞ্জু ॥ থাক্ আর কথা বলতে হবে না । দাও, শিশিটা দাও ।

লতিকা ॥ [শিশিটা দিবে] নাও না শিশি, আমি যেন খেয়ে ফেলছি ।

মঞ্জু ॥ ওকে খাওয়া ছাড়া আব কি বলে ? একগাদা স্নো মাথলেই যদি ফরসা হওয়া যেত, তাহলে আর ভাবনা কী ? তোমার আর কী ?

লতিকা ॥ অমন করছো কেন ? না হয় তোমার একটু স্নো-ই নিয়েছি ।

মঞ্জু ॥ একটু নাও নি, শিশিটা একেবারে খালি ক'রে দিয়েছ ।

লতিকা ॥ ছি ছি বোদি, শিশিটা তো এম্নিতেই খালি ছিল ।

মঞ্জু ॥ থাক,—খুব হ'য়েছে । আমি না হয় মিথ্যে কথা বলছি ।

লতিকা ॥ বেশ, তোমার স্নো না হয় আমি শোধ ক'রে দেব । দাদা আমাকে একটা এনে, দেবে বলেছে—তার থেকে অর্ধেকটা তোমাকে দিয়ে দেবো, হবে তো তখন ?

মঞ্জু ॥ [বেগে] ঠাকুরঝি !

লতিকা ॥ ওঃ ভারি তো একটু স্নো নিয়েছি—তাতে
আবার মেজাজ দেখ না !

মঞ্জু ॥ তোমাকে তো আর রোজগাব ক'রতে হয় না ।

লতিকা ॥ যেন তুমিই কত বোজগার করো ।

মঞ্জু ॥ যাও, যাও এঘর থেকে ।

লতিকা ॥ ইস্, তোমার একার ঘব নাকি ? দিনের
বেলা এটা সকলের ঘর ।

মঞ্জু ॥ বেশ, তবে তুমিই থাকো ।

[দ্রুত প্রস্থান]

লতিকা ॥ [মুখ ভঙ্গি ক'রে] ইঃ রাগে একেবারে খন্ খন্
করছেন ।

[প্রমথব প্রবেশ । ঢুকেই সে দাঁড়িয়ে পড়ল । সম্ভরণে একবার
লতিকা ও একবার বাইবেব দিকে তাকালো । তাব
ভাব দেখে মনে হচ্ছে যেন সে কাউকে সঙ্গ ক'বে এনেছে ।
কিন্তু লতিকার সামনেই তাকে ঘবে নিয়ে আসবে কিনা
ঠিক ক'বতে পারছে না ।]

লতিকা ॥ [বাবাকে দেখে] বাবা, তুমি এখন এলে !
চা কিন্তু হ'য়ে গেছে ।

প্রমথ ॥ [চা-টর্তারা যেমন কাছে বড়, তেমনি সঙ্কর
লোকটিকেও ঘরে নিয়ে আসা বড়] কেন, আমি তো আসছি বলে
গেলুম !

লতিকা ॥ চা কি এখন হ'য়েছে ?

প্রমথ ॥ ভালোই হয়েছে, আমি চা না খেলে কার কী ?
যাক্—[নিচু গলায় অনুনয়েব মত] তা এখন একটু দেখ্ না, চা
হয় কিনা ।

লতিকা ॥ ওবে বাবা, আমি পারবো না, মাসের শেষ
—কোথায় চা, কোথায় চিনি—আমি বরং মাকে বলি গে—

প্রমথ ॥ থাক্ থাক্ আব বলতে হ'বে না । ববাতে নেই
তো আর কী হ'বে ? ঠ্যাংবে, তোব মা কোথায় রে ?

লতিকা ॥ মা তো বামাঘবে ।

প্রমথ ॥ [ভেবে] ঠিক আছে । তোকে কিছু বলতে হ'বে
না । তুই যা ।

[লতিকা বাবাব মুখেব দিকে তাকিয়ে চলে গেল]

প্রমথ ॥ [বাইবেব দিকে তাকিয়ে] আশুন, ভেতরে আশুন
বামলালবাব ।

[একটু পবে বামলালবাব ঢুকলো । চোগা মধ্যবয়সী লোক । শীর্ণ
চেহাৰা ও উজ্জ্বল চোগে একটি ধূর্ততা বিচ্ছুরিত ।
আধময়লা জামা কাপড়—পায়ে কেড়স, হাতে ব্যাগ ।
অঙ্গভঙ্গিতে একটি সবজ্জাস্তা ভাব]

প্রমথ ॥ [আপ্যায়ন ক'বে] বশুন—বশুন, এইখানে
বশুন ।

[বিছানায় বসিয়ে পবম বশনদেব মত]

প্রমথ ॥ নেহাত ভাগ্যের জোর বলতে হ'বে—না হ'লে
আপনার দেখা পাই । [বামলাল মাথা ছুলিয়ে হাসলো] আমার
একটা উপায় ক'রে দিন । আর তো পারি না ।

রামলাল ॥ কে কার উপায় করে, মালিকই ভরসা ।

প্রমথ ॥ মালিককে ভরসা করেই তো বসে আছি । কিন্তু দিন তো আর ফেরে না ।

রামলাল ॥ ফিরবে বইকি, ফিরবে । সুখ-দুঃখ চক্রবৎ ঘুরছে । সুদিন আসবেই ।

প্রমথ ॥ কবে আর আসবে ? [ঊর্দাস ভ'য়ে] চাক্ষুণীটা গিয়ে অবধি কী যে হাল হয়েছে—আপনাকে তো সব বলেছি । আর পারছি না । কেউ আমার একটা কথা পর্য্যন্ত শোনে না । অথচ সকলের জন্মে বুকটা আমার ফেটে যায়—তা কেউ জানে না ।

রামলাল ॥ অতো অস্থির হ'লে কি হয় ? ধৈর্য্য ধ'রে অপেক্ষা ক'রতে হ'বে ।

প্রমথ ॥ ধৈর্য্যবও তো শেষ আছে । অস্থির না হ'য়ে করি কী ? সকলে জানে আমি সংসার-চিন্তা ছেড়ে দিয়েছি । গঙ্গাস্নান করি, গীতা পড়ি—কতো কী ! কিন্তু এই সংসারটার জন্মে মায়া একটুও কাটাতে পারি না তো । গঙ্গায় ডুব দিয়েও বুকের যন্ত্রণা যায় না । তবুও চুপ ক'রে থাকি ।

রামলাল ॥ চুপ ক'রে থাকতেই হবে । এখন যে গ্রহের ফের পড়েছে ।

প্রমথ ॥ কিন্তু—একবার হাতটা দেখবেন রামলালবাবু ?

রামলাল ॥ হাত তো দেখেছি । বার বার দেখে লাভ কী ?

প্রমথ ॥ সেই তো কবে দেখেছিলেন ! আজ আব একবার দেখুন না। কিছু বদলে গেছে—যেতেও পাবে তো !

বামলাল ॥ না, অতো তাড়াতাড়ি পরিবর্তন আসে না। তবে—বলছেন, একবার দেখি। [হাত নিয়ে] হুঁ, শনি এখনো কুপিত। তবে—হ্যাঁ—কোপদৃষ্টি থেকে মুক্তি পাবার একটা আলো দেখছি বটে। এইখানে এই বেখাটা আব একটু এগিয়ে এলেই হবে। [প্রমথ উৎসাহে কাছে ঘেসে বসলো]

তবে এখনও মাসখানেক দেৱী আছে। বৃহস্পতি দেখছি প্রসন্ন হবেন। শনি সাহায্য করবেন। [হাতটা সবিয়ে দিয়ে] না,—নিবাস হবার মত কিছু নেই। তবে এখনো মাসখানেক কপালে দুর্ভোগ আছে।

প্রমথ ॥ এতো সহীলুম আর মাসখানেক সহীতে পারবো না !

বামলাল ॥ পারবেন বই কি। নিশ্চয়ই পারবেন। কিছু অর্থপ্রাপ্তির লক্ষণ দেখলুম হাতে।

প্রমথ ॥ [চোখে আশা] অর্থ প্রাপ্তি। ঠিক বলছেন ? ভাল ক'বে দেখেছেন তো ?

বামলাল ॥ হ্যাঁ, আমি যা দেখি ভাল ক'রেই দেখি, তবে একমাস পরে—শনির দুষ্টপ্রভাব কেটে গেলে।

প্রমথ ॥ তা হ'লে ভাগ্যের ওপর যে পাথরটা বসে আছে তা খসে যাবে ?

রামলাল ॥ না গিয়ে উপায় নেই যে ।

প্রমথ ॥ সত্যি বলছেন টাকা পাবো ? টাকা—টাকা, কত টাকা বলতে পারেন ? টাকা পেলে আমি আমার মেয়ের বিয়েটা দিয়ে দেব । আর—আমার রমু যক্ষ্মায় ভুগছে । টাকা পেলে সে হয়তো বেঁচে যাবে ।

রামলাল ॥ [ব্যাগ খুলতে খুলতে] তাহলে টিকিটটা দিই ?

প্রমথ ॥ টিকিট ?

রামলাল ॥ হ্যাঁ, লটারীর টিকিট ।

প্রমথ ॥ [বিমগ্ন হেসে] ওঃ, সে তো ফি বারেরই একখানা কিনছি ।

রামলাল ॥ এবাব কিন্তু ছ'খানা । হাত যখন প্রাপ্তি-যোগ রয়েছে, তখন আব ভয় কববার কিছু নেই ।

প্রমথ ॥ ছ'খানা ? একেবাবে চারটাকার ধাক্কা !

রামলাল ॥ এ চারটাকা খবচ করতেই হবে ।

প্রমথ ॥ [ভেবে] দিন, ছ'খানাই নেব এনারে ।

[সম্ভর্পণে চারিদিকে তাকালো । রামলাল সন্নিহিত কাগজপত্র লিগতে লাগলো]

রামলাল ॥ প্রাপ্তি-যোগ যখন রয়েছে তখন ছ'খানা নেওয়াই ভালো । একটা ফস্কালে আর একটা লাগবে ।

প্রমথ ॥ হ্যাঁ, মালিকই ভরসা । [উঠে বাজীর মধ্যে উকি দিল । তারপর চারিদিক তাকিয়ে দেখে ট্যাক থেকে টাকা, বার ক'রলো । তার সমস্ত ভঙ্গিটা চোরের মত । রামলালকে

সে যখন টাকা দিচ্ছে, তখন মা হঠাৎ ঢুকেই সমস্ত ব্যাপাবটা দেখে চলে গেল। প্রমথ কিম্বা রামলাল তাকে দেখেনি, টাকা দিয়ে প্রমথ আবার তাকালো, তাবপব রামলালের কাছ থেকে টিকিট ছ'খানা নিল]

রামলাল ॥ [ব্যাগ গুছিয়ে] আচ্ছা, চলি তাহলে ।

প্রমথ ॥ আচ্ছা । টাকা পেলে আপনাকে আমি সন্তুষ্ট ক'বে দেব রামলালবাবু ।

রামলাল ॥ আমার জন্তু ভাববেন না । আপনার উপকার হ'লেই আমার আনন্দ ।

[প্রশ্বাস]

[প্রমথ টিকিট ছ'খানা হাতের মধ্যে নিয়ে দাঁড়িয়ে দাঁড়িয়ে কি ভাবতে লাগলো] [মা'ব প্রবেশ]

মা ॥ টিকিট কিনলে বুঝি ?

প্রমথ ॥ [চম্কে উঠে হাতটা লুকোবাব চেষ্টা ক'বেও লুকোতে পারলে না—ববং ঘাবড়ে গিয়ে] য'্যা—ন্না—কিসের টিকিট ?

মা ॥ লটারীর টিকিট গো, লটারীর টিকিট । কই দেখি, —[হাত থেকে নিয়ে] এই তো । বাঃ, এ যে আবার ছ'খানা দেখছি । কতই আশা ! নাও, ধুয়ে ধুয়ে জল খাও ।

[টিকিট ফেরত দিন]

মা ॥ [গলায় বেদনা] কিন্তু কেন এসব কেনা ? শুধু বাজে খরচ ! কতো বারই তো কিনলে ।

প্রমথ ॥ কিন্তু—এবার বোধহয় পাবো !

মা ॥ ছাই পাবে। পাথর চাপা বরাত।

প্রমথ ॥ বরাতও তো খোলে।

মা ॥ কিন্তু তোমার বরাত খুলবে না। আচ্ছা, তুমি টাকা পেলে কোথায় ?

প্রমথ ॥ [ঘাব্ড়ে, ঠিকমত উত্তরের অভাবে] পেলুম — মানে — আমার ছিল। [একটু জোরে] কেন, আমার কি থাকতে নেই ?

মা ॥ থাকলে তো ভালোই। কিন্তু এই সেদিন রমুর ওষুধ কেনবার জন্মে তোমার কাছে টাকা চাইলুম। তখন তো তোমার কাছে টাকা ছিল না ?

প্রমথ ॥ তখন ছিল না। কিন্তু পরে—

মা ॥ পরেই বা কোথায় পাবে? সমস্ত রাস্তাইতো তোমার কাছে বন্ধ।

প্রমথ ॥ বন্ধ! তোমার কাছেই বন্ধ। আমাকে তুমি কি ভাবো বলো তো।

মা ॥ কিছু ভাবি না। কিন্তু আমি অন্য একটা কথা ভাবছি।

প্রমথ ॥ কী ?

মা ॥ বুঝতে পেরেছি টাকা তুমি কোথায় পেয়েছ।

প্রমথ ॥ কী বুঝতে পেরেছ ? কী বুঝতে পেরেছ তুমি ?

মা ॥ বিনয়ের পকেট থেকে সেদিন টাকা চুরি গিয়েছিল।

প্রমথ ॥ [প্রকাণ্ড আর্তনাদ ক'বে অসহ কান্নায় ভেঙে পড়ে
বিছানাঘ বসলো] ন্ননা—ন্না, কি বলছো তুমি ? কী পেয়েছ
আমাকে ? আমি—আমি—না না—আমি—আমি—

মা ॥ বাপ হ'য়ে তুমি ছেলের টাকা চুরি ক'রেছ।
অস্বীকার ক'রছ কেন ? তুমি ছাড়া আর কেউ নেয় নি।
আর সেই টাকা দিয়ে তুমি টিকিট কিনেছ। এখনও বলবে
নাও নি ?

প্রমথ ॥ [মাথা নেড়ে স্বীকৃতিতে] হ্যাঁ, নিয়েছি—নিয়েছি,
না নিয়ে আমার উপায় ছিল না—উপায় ছিল না।

মা ॥ বিনয় জানলে কি মনে ক'রবে বলো তো ?

প্রমথ ॥ [ভয়ে ভয়ে] না না, বিনয়কে তুমি ব'লো না।

মা ॥ আশ্চর্য্য ! এই চুরির জন্মেই তোমার চাকুরি
গিয়েছিল। [প্রমথ বোকাব মত হাঁ করে চেয়ে রইল]

মা ॥ কী যে চুরির নেশা ! সোনার চাকুরি করছিলে—

প্রমথ ॥ আমি চোর, না ?

মা ॥ সে কথা বলি না। কিন্তু তুমিই ভেবো দেখো
তো, চুরি করেছিলে বলেই তো এই বয়সে তোমার চাকুরি
গেল। আর তাতেই তো সংসারের এই হাল। মানুষের কি
যে লোভ !

প্রমথ ॥ লোভ !

মা ॥ হ্যাঁ, লোভই তো।

প্রমথ ॥ গাড়ীজুড়ির লোভ ? আমার সুখ-স্বাচ্ছন্দ্যের লোভ, না ?

মা ॥ না, আমাদের গাড়ী-জুড়িতে চড়াবে বলে তুমি চুরি ক'রেছিলে ।

প্রমথ ॥ আঃ, আন্তে আন্তে ।

মা ॥ কেন আন্তে বলবো ? কে না জানে ?

প্রমথ ॥ বিনয় জানে ?

মা ॥ জানে না আবার ? বাপের কীর্তি খুব জানে ।

প্রমথ ॥ খুব ভাল, খুব ভাল, আমি চোর—গলায় একটা সাইনবোর্ড ঝুলিয়ে রাস্তায় বেরোলেই হয় ।

মা ॥ চুপ কবো । যেন আমাদের জ্ঞেই উনি চুরি ক'রেছেন ।

প্রমথ ॥ [সাতসেব সঙ্গে] হ্যাঁ, তোমাদের জ্ঞেই ।

মা ॥ আমাদের জ্ঞে ? আমরা তোমাকে চুরি ক'রতে বলেছি ?

প্রমথ ॥ বলোনি । কিন্তু সংসারের এই জ্বালা—অভাব—এ আমি সহ্য ক'রতে পারি নি । চুরি ক'রেছি বই কি, আর যে উপায় ছিল না ।

মা ॥ অদ্ভুত কথা ! কই, আমাদের তো কখনও বলো নি ?

প্রমথ ॥ বলবার কথা নয় । আর বললেই বা কি ক'রতে ?

মা ॥ বারণ করতুম ।

প্রমথ ॥ তোমার বারণ শুনলে অনেক আগেই সকলকে না খেয়ে মরতে হ'তো । পারতে না খেয়ে তিলে তিলে মরে যেতে ?

মা ॥ জানি না । হয়ত পারতুম ।

প্রমথ ॥ আজ পারছ ? আজ তো আমার রোজগার নেই—মেয়ের বিয়ে দিতে পারি না—পরণের কাপড় দিতে পারি না—কই, চুপ ক'রে তো থাকতে পার না ? অভাবের জ্বালা সহ্য করা যায় না । কেউ পারে না । তাইতো আমি চোর । কিন্তু আমিই কি চেয়েছিলুম চুরি ক'রতে ?

মা ॥ বুঝি না বাপু তোমার অত কথা । কেউ কখনো চুরি ক'বতে পরামর্শ দেয় না । না হয় আধপেটা খেয়েই থাকতুম ।

প্রমথ ॥ কেউ পারে না । আগেও পারতে না—এখনও পারছ না ।

মা ॥ পাগলের মত কি যা-তা বকছো ?

প্রমথ ॥ হ্যা—হ্যা, আমি পাগল, পাগল ।

মা ॥ তাছাড়া আবার কি ! অভাবে তোমার মাথা খারাপ হ'য়ে গেছে ।

প্রমথ ॥ হ্যা—হ্যা, আমি চোর, পাগল, আমার সঙ্গে আর বকছো কেন ?

মা ॥ তোমার সংগে বকবার সময় আমার নেই । একা একা বসে যত ইচ্ছে বকব বকব করো । [প্রস্থান]

[প্রমথব চোখ সজল, বিস্ফাবিত । সামনে তাবিষে বইল অনেকক্ষণ ।
 তাবপব দুর্কৌধ্য এক কাগাফ দু'হাতে মুখ চেপে ভেঙে
 পড়লো । বিনযেব প্রবেশ । সে ক্লাস্ত । গায়ে তাব বাবাব
 আলোয়ান]

প্রমথ ॥ [বিনযকে দেখে স্ংগে স্ংগে কাগা খামিষে] আমাব
 আলোয়ানটা নিয়ে গিয়েছিলি কেন ? ওই তো একটি মাত্র
 আলোয়ান । তোবা যে কী—পয়সা বোজগাব কবিস্ । দে—
 দে ওটা ।

[বিনয সাধাবণতঃ বাবাব সঙ্গে কম কথা বলে । তার কথাব উত্তর
 সাধাবণতঃ দেয় না । এই ব্যবহারেব মাধ্য বাপেব প্রতি এতটা
 প্রচ্ছন্ন ঘৃণা ও অবহেলাব মনোভাব বস্ফছে । ওটা একটা
 প্রকাশ্য সত্য—সবলেই জানে । বাবা আলোয়ান চাওযাও
 কোনা কথা না বনে, ছুড়ে দিল]

বিনয ॥ নাও । আমার নেই বলেই নিয়ে গিছলুম ।

প্রমথ ॥ তা বোলে আমারটা নিয়ে যেতে হবে ?

[আলোয়ানটা নিয়ে গারে জড়ালো]

বিনয ॥ গিছলুম লতিব পাত্র দেখতে । অন্য কোথাও
 যাই নি ।

প্রমথ ॥ বন্ধু-বান্ধবেব কাছ থেকে একটা চেয়ে নিয়ে
 যেতে পারিস্ না ? জানিস্ তো, এই পুরনো আলোয়ানটাই
 আমার একমাত্র সম্বল । বাপকে এমন ক'রে কেউ কষ্ট দেয় ?

বিনয ॥ [খুব বেগে গেছে,—মনে হ'চ্ছে কেটে প'ড়ে সে এখনি
 একটা কিছু করবে বা বলবে—কিন্তু তেমন কিছু ক'বল না] অন্ত্যায়

হয়েছে, তোমার আলোয়ানে আমি আর কখনো হাত দেব না।

প্রমথ ॥ আহা, আমি কি তাই বললুম !

[বিনয় শুধু তাকালো, কিছু বললো না]

প্রমথ ॥ [একটু পবে] হ্যারে, ছেলে কেমন দেখলি ?

[বিনয় নিকত্তব]

প্রমথ ॥ আমি তো শুনেছি ভালোই। তুই কেমন দেখলি ?

[বিনয় উত্তর দিল না]

প্রমথ ॥ [একটু বেশী সাহসে] আমি একটা কথা জিজ্ঞাসা ক'রলে উত্তর দিতে বুঝি কষ্ট হয় ?

বিনয় ॥ [ঘেন ঝাঞ্জাট চুকিয়ে দিতে চায়] ছেলে ভাল নয়।

[বাড়ীৰ মধ্যে যাচ্ছে]

প্রমথ ॥ ভাল নয় মানে ? আমি তো শুনেছি ভালোই।

বিনয় ॥ আমি গিয়ে দেখে এলুম, ভাল নয়।

প্রমথ ॥ একটু বন্ধু-বান্ধব নিয়ে ফুর্টি-টুর্টি করে। ওরকম তো আজকাল প্রায় সকলেই।

বিনয় ॥ ছেলে মদ খায়।

প্রমথ ॥ ওটা বিয়ে হ'লে সেবে যাবে।

বিনয় ॥ তবে বিয়ের ব্যাপারে আমি নেই। তুমিই লতির বিয়ের ব্যবস্থা ক'রো।

প্রমথ ॥ আমার ক্ষমতা কোথায় ?

বিনয় ॥ ক্ষমতা নেই বলে লতিকে জলে ফেলে দেবে ?

প্রমথ ॥ কপালে যদি থাকে তো এতেই সুখে থাকবে ।
[বিনয় গুম হ'য়ে গেল । কোন কথা আব বলবে না । একটু পরে ।
তাহলে কি ঠিক করলি ?

[বিনয় নিকন্তব—মা'ব প্রবেশ ।

মা ॥ এই যে, বিনয় কখন এলি ? [প্রমথকে] তুমি বসে
রয়েছ কেন ? ওদিকে যে তোমার ভাত বেড়ে বসে আছে ।

প্রমথ ॥ যাচ্ছি একটু পরে ।

মা ॥ একটু পরে আবার কেন ? সাতজন লোক আছে,
তোমার ভাত বেড়ে বসে থাকবে ? যাও যাও, উঠে পড়ো ।
এখানে বসে থাকবারই বা কী দবকার ?

প্রমথ ॥ [হতাশায় ও বেদনায়] ছঁ । [প্রশ্নান]

মা ॥ ছেলে কেমন দেখলিরে ?

বিনয় ॥ ভাল নয় মা । বড় লোকের ছেলে, নানারকম
বদ্ অভ্যাস আছে ।

মা ॥ সে ভয় আগেই আমার ছিল । না হ'লে বিনা
পয়সায় বিয়ে ক'রতে চায় । কী যে হবে !

বিনয় ॥ একটা কিছু হবেই । আরও একটি পাত্রে খবর
আজ পেয়েছি । দেখি আসছে রবিবার একবার সন্ধান নেবো ।

মা ॥ ভগবানকে তো কতই ডাকছি ।

বিনয় ॥ [রান বেদনায়] ভগবান !

মা ॥ ভেবেছিলুম এবার বুঝি লতির' বিয়ের ফুল ফুটলো ।

কিন্তু— [বিনয় উদাসভাবে তাকিয়ে রইল]

মা ॥ [দীর্ঘশ্বাস ফেলে] ভেবে আর কি হ'বে? তুই চান ক'রে নে বিনয়। আমি ভাত বাড়ছি। নে ওঠ।

বিনয় ॥ হুঁ, যাচ্ছি।

মা ॥ দেরী করিস্নি যেন। [প্রশ্নান]

[বিনয় তখনও উঠলো না, বসে বইল—মঞ্জুর প্রবেশ]

মঞ্জু ॥ মা যে তোমায় চান ক'বে নিতে বললেন।

বিনয় ॥ হুঁ, যাচ্ছি।

মঞ্জু ॥ শুনলুম এ সম্বন্ধটাও নাকি হ'ল না?

বিনয় ॥ মা বলেছে বুঝি?

মঞ্জু ॥ হ্যাঁ। কিন্তু এমন সুযোগ ছাড়া কি ঠিক হ'ল? একটা পয়সাও নেবে না বলেছিল।

বিনয় ॥ বলেছিল তো অনেক কিছু। কিন্তু লতি আমার বোন। তাকে তো আর আস্তাকুঁড়ে ফেলতে পারি না।

মঞ্জু ॥ আস্তাকুঁড়ে ফেলতে বলছি না। কিন্তু ভাল সম্বন্ধ করতে গেলে টাকার দরকার। সে কথা ভেবেছ?

বিনয় ॥ ভেবেছি।

মঞ্জু ॥ ভেবেই বা কি করবে? টাকা তো আর আকাশ থেকে পড়বে না। [বিনয় নিরুত্তর হ'য়ে বসে রইল]

মঞ্জু ॥ সেদিন ঠাকুরপোর অস্থখের জন্মে চুড়ি ক'গাছা নিলে। বললে, আবার গড়িয়ে দেবে। কিন্তু যা গেল, তা আর কিরে এলো না। [বিনয় নিরুত্তর]

মঞ্জু ॥ এবাব বাকী যা গয়নাগুলো আছে, তাই দিয়ে বোনের বিয়ে দাও ।

বিনয় ॥ [সহানুভূতির স্ববে] গয়নার জন্তে খুব কষ্ট হচ্ছে, না ?

মঞ্জু ॥ [বরতে না পেবে] হচ্ছেই তো । কার না হয় ?

বিনয় ॥ ভয় নেই । তোমার গয়নায় আমি আর হাত দেবো না ।

মঞ্জু ॥ তবে টাকা পাবে কোথায় ?

বিনয় ॥ তা শুনে লাভ কী ?

মঞ্জু ॥ লাভ না থাক—জানা দবকার ।

বিনয় ॥ টাকা আমি অফিস থেকে ধাব ক'রবো ।

মঞ্জু ॥ অফিস থেকে ধার কো'বনে ? সে তো মাসে মাসে মাইনে থেকে কেটে নেবে ।

বিনয় ॥ ধার নিলেই কাটবে ।

মঞ্জু ॥ কিন্তু তাতেতো সংসারের টানাটানি আরও বেড়ে যাবে ।

বিনয় ॥ উপায় নেই । বিয়ে তো দিতে হবে ।

মঞ্জু ॥ কিন্তু এই কি একটা উপায়—সমস্ত সংসারকে দ'খে মেরে ?

বিনয় ॥ এছাড়া আর কি ক'রতে পারি বল ?

মঞ্জু ॥ কেন, শ্বশুরমশায়ের বন্ধু শিবদাসবাবু যে টাকার

কথা বলছিলেন, সেটার জন্মে তো একটু চেষ্টা ক'রতে পার ?

বিনয় ॥ শিবদাসবাবু ! তিনি এখানে আসেন নাকি ?

মঞ্জু ॥ প্রায়ই তো আসেন ।

বিনয় ॥ তাঁর খুব বড় বড় লোকের সঙ্গে জানাশোনা আছে, না ?

মঞ্জু ॥ তাই তো শুনেছি ।

বিনয় ॥ শোন মঞ্জু । [মঞ্জু সবে আসে] শিবদাসবাবু কোথা থেকে কীভাবে টাকাটা পাইয়ে দেবেন বলেছেন ?

মঞ্জু ॥ ওই যে, গভর্ণমেন্ট রিফিউজিদের জন্মে টাকা ধার দিচ্ছে না—তা আমরা যদি রিফিউজি বলে দরখাস্ত করি, শিবদাসবাবু টাকাটা আমাদের পাইয়ে দেবেন ।

বিনয় ॥ এটা খুব সং উপায়, না ?

মঞ্জু ॥ অতো ভাবলে চলে না । আমাদেরও তো বাঁচা দরকার ।

বিনয় ॥ কিন্তু এইভাবে বাঁচতে হবে ? তোমরা কী সব শুরু ক'রেছ বলে তো ? একে তো গভর্ণমেন্ট রিফিউজিদের জন্মে যা ক'রছে তা কিছু নয় । তার উপর আমরা রিফিউজি বলে মিথ্যে পরিচয় দিয়ে তাদের টাকাটায় ভাগ বসাই—কেমন ? বাঁচবার পক্ষে খুব ভাল রাস্তা !

মঞ্জু ॥ কিন্তু টাকাটা তো শুনেছি শোধ ক'রে দিতে

হবে। তবে গায়ে লাগবে না, এই যা। ঠাকুরপোরও চিকিৎসার একটা ব্যবস্থা হবে।

বিনয় ॥ দরকার নেই। জাল-জোচ্চুরি ক'রে আমারই মতো কতকগুলো লোকের টাকায় হাত দেওয়া আমার দ্বারা হবে না। বাবার কাণ্ডজ্ঞান নেই তাই শিবদাসবাবু কথায় নাচছে। একে ভীমরতি ছাড়া আর কি বলে ?

মঞ্জু ॥ এত বড় সুযোগটাকে তুমি ছেড়ে দেবে ?

বিনয় ॥ একেবারে সুবর্ণ-সুযোগ ! যাও যাও, আমাকে আর বকিও না।

মঞ্জু ॥ হুঁ, ভাল কথা বললেই বকানো হয়। মা চান করতে বলেছে—চান ক'রে নাও। [প্রস্থান]

[দরজায় কড়া নাড়ার শব্দ। বিনয় শুনে উঠে দরজায় দিকে গেল

বিনয় ॥ আরে তুমি ? এসো এসো, ভেতরে এসো।

[অমিয়র প্রবেশ]

অমিয় ॥ তারপর ? ফিরলে কখন ?

বিনয় ॥ এই তো কিছুক্ষণ।

অমিয় ॥ পাত্র কেমন দেখলে ?

বিনয় ॥ [স্বান হেসে] সে আর ব'লো না। ও ছেলের সংগে আমি লতির বিয়ে দেব না।

অমিয় ॥ তার মানে ছেলে খারাপ ?

বিনয় ॥ ভালো হ'লে ভাবনার কী ছিলো ? যাক—সে অনেক কথা। পরে বলব'ধন। এখন বলো তো

তোমাদের ষ্ট্রাইকের কী খবর ? অফিসের সকলের মুখে তো ওই কথা শুনি। শেষ পর্য্যন্ত সামলাতে পারবে তো ?

অমিয় ॥ সামলাতে পারব কিনা জানি না। কিন্তু সামলাতে হবেই। কিন্তু তুমি এসব কথা বলছো কেন বলো তো ? তোমার তো জানি ষ্ট্রাইক করবার ইচ্ছেই আছে।

বিনয় ॥ হয়ত আছে। তোমরা সকলে ষ্ট্রাইক করলে হয়ত আমাকেও ষ্ট্রাইক করতে হবে। তবুও কি জানো, ভয় হয়। যা দিন কাল। যদি গোলমালে চাকরিটা যায়। আবার এদিকে দেখো, এ মাইনেতেও চলে না। না অমিয়, আমার পক্ষে কিছু ঠিক করে বলা মুশ্কিল।

অমিয় ॥ কবে আর ঠিক করে বলবে ?

বিনয় ॥ জানি না।

অমিয় ॥ তোমার এট ভঙ্গিটা আমার ভাল লাগে না। মনে হয় এতেই যেন তুমি সন্তুষ্ট আছো।

বিনয় ॥ সন্তুষ্ট আছি ! [চোখে জালা] তা বলবে বটে। জীবনে কিছুই পাইনি কি না ! জানো, যখন স্কুলে পড়তুম— ছোট্ট ছিলুম, তখন অনেক স্বপ্ন দেখতুম। অনেক লেখাপড়া শিখবো, অনেক বড় হবো। তারপর ম্যাট্রিক পাশ করে শুন্লুম—আমার আর পড়া হ'বে না, বাবার পয়সা নেই। স্বপ্ন ভাঙতে শুরু করলো। সে যন্ত্রনা কী করে বোঝাব ? তুমি বুঝবে না। তুমি দেখছো আজকের এই আমাকে। দেখছো, দিনের পর দিন মাথা নিচু ক'রে বোঝা বয়ে চলেছি।

কিন্তু আগুন যে ধুক্ধুক করে জ্বলছে তা জানো না। কী করবো? বিয়ে কোরেছি—মা-বাপ মাথার ওপর, বোনের বিয়ে দিতে হবে, আর ভাই ভুগছে যন্ত্রায়। এ কথা ভাবলে রক্ত আমার হিম হয়ে যায়। না হোলে আমার মধ্যেও আগুন দেখতে পেতে।

অমিয় ॥ [কাঁধে হাত দিবে] তা আমি জানি বিনয়। আর সেই জন্মেই তো তোমার উপর বেশী আশা রাখি। জানি তুমি আমাদের সংগে ঝুঁকি করবেই।

[বিনয় বিষন্ন হাসলো]

অমিয় ॥ [উঃ] আচ্ছা, আজ আমি চলি। বেলা হয়ে গেছে। কয়েকটা কাজ সারতে হবে আবাব।

বিনয় ॥ সেকি! এই তো এলে। বসো না। একটু চা খেয়ে যাও।

অমিয় ॥ না ভাই দেরী হ'য়ে যাবে। এদিক দিয়ে যাচ্ছিলুম, একবার দেখা কোবে গেলুম। বরং সন্ধ্যার দিকে আর একবার আসব।

[প্রশান্ত — লতিকার প্রবেশ]

লতিকা ॥ দাদা, আমার স্নো এনেছ?

বিনয় ॥ [চিন্তার মধ্যে থেকে মনে ক'রে] ও হো, এই যে পকেটেই রয়েছে। [বার করলো] নে।

[লতিকা অতি উৎসাহে বে-সামাল হ'য়ে পড়ে। এলো-মেলো হাতে স্নোটা নিয়ে ক্রত বাকসো থেকে খুলতে যাবে—এমন সময়

শিশিটা হাত থেকে মেরেব ওপব পড়ে গেল। লতিকা কেমন
হতঃস্থ হ'য়ে গেল]

বিনয় ॥ [শব্দে মুখ যেবালো, কিন্তু সে চিন্তিত বলে তখনি
বাপাবটা তাব গ্রাহ হয নি।] ভাঙলি—ভাঙলি ওটা ?

লতিকা ॥ পড়ে গেল যে।

বিনয় ॥ তুই না ফেললে পড়বে কেন ?

লতিকা ॥ আমি ইচ্ছে কবে ফেললুম নাকি ! এমনি
পড়ে গেল তো।

বিনয় ॥ ['প কবে জগা উঠে ' এমনি পড়ে গেল ! মুখের
উপব তর্ক করা হ'চ্ছে ! এমন না হ'লে সংসারের এই অবস্থা
হয়। ছু'টাকা দিয়ে বিলিতি স্নো-টা কিনে আনলুম, আর
উনি ভেঙে ফেললেন।

[লতিকা কাঁদছে]

বিনয় ॥ [দেখে] ওঃ আবার কান্না হ'চ্ছে ! দন্ধে দন্ধে
মারলো আমাকে ! যা যা, দূর হয়ে যা। অলক্ষী কোথাকার।
বেরিয়ে যা চোখের সামনে থেকে !

[মঞ্জুব প্রবেশ]

মঞ্জু ॥ কী হ'ল ? অতো চোঁচাচ্ছ কেন ?

[লতিকাব কাছে গেল, তাকে ধরল। বিনয় কিছু না ব'লে ঘরের
কোনে গিয়ে জামা খুলে গাম্ছা নিল।]

লতিকা ॥ বৌদি ! [বৌদিকে জড়িয়ে ধরল]

মঞ্জু ॥ [লতিকাকে] কী হয়েছে ? [বিনয়কে] ব'কেছ
বুঝি।

বিনয় ॥ জানি না। [প্রস্থান]

মঞ্জু ॥ কি হ'য়েছে লতি ? ও ব'কেছে বুঝি ?

লতিকা ॥ হুঁ।

মঞ্জু ॥ তুমি কী কবেছিলে ?

লতিকা ॥ কি আবার করবো। ওই দেখ না, দাদা নতুন স্নো-টা কিনে এনে দিল, খুলতে গিয়ে হাত থেকে পড়ে গেল। আমি কী ইচ্ছে করে ফেলেছি ? দাদা যা-তা বললে !

মঞ্জু ॥ কী বললে ?

লতিকা ॥ বললে, “আমার সামনে থেকে দূব হ'য়ে যা— অলক্ষী”— কতো কী। কেন আমি কি শেয়াল কুকুর ?

[কাঁদলো]

মঞ্জু ॥ চুপ করো, কেঁদো না। ও কী আর মন থেকে ও কথা বলেছে ? অভাবের জ্বালায় ওর মাথার ঠিক নেই।

লতিকা ॥ তা বলে যা-তা কথা বলবে নাকি ? আমি কি ইচ্ছে করে ভেঙেছি ? [কাঁদছে]

মঞ্জু ॥ আহা, আবার কাঁদে ! ইচ্ছে ক'রে কেন ভাঙতে যাবে ? তুমি তো জান না, ও তোমাকে কত ভালবাসে !

লতিকা ॥ ছাই। তাই তো আমাকে বললে দূর হ'য়ে যা।

মঞ্জু ॥ ও সব রাগের কথা। একটু পরে সব ভাল হয়ে যাবে।

নেপথ্যে মা ॥ বৌমা—বিনয়ের ভাতটা বাড়ে।

মঞ্জু ॥ [চোঁচিয়ে] যাই মা । [লতিকে] তুমি ব'সো ।
আমি একুনি আসুছি । কেঁদো না । অমন ক'রে কাঁদতে নেই ।
[প্রশ্নান]

[লতিকা বিছানাঘ উপুড হ'য়ে ফুলে ফুলে কাঁদতে লাগলো । বিনয়
চুকলো—হাতে গাম্‌ছা, চুল ভিজে—সে চান ক'বে
এসেছে । চুকে লতিকাকে দেখে দাঁড়ালো—জীবপব
গাম্‌ছাটা বেখে লতিকা'ব পাশে বসে মাথাঘ হাত দিল ।
লতিকা ঘুবে লাদাকে দেখে আবণ ছোবে কাঁদতে লাগলো
—কিছুতেই থামে না ।

বিনয় ॥ চুপ কর লতি—চুপ কর ।

লতিকা ॥ আমি কি ইচ্ছে ক'রে শিশিটা ভেঙেছি ? তুমি
কেন অমন ক'বে বকলে ?

বিনয় ॥ চুপ কর । মাথার কি তখন ঠিক ছিলরে ?
চুপ কর । তোব কোন দোষ নেই ।

লতিকা ॥ শিশিটা তো হঠাৎ আমার হাত থেকে
প'ড়ে গেল ।

বিনয় ॥ ও ভালোই হয়েছে । তোকে আমি আর
একটা কিনে দোব । কাঁদিস নি ।

[লতিকা'ব মাথাটা বুক'ব মধ্যে নিল]

লতিকা ॥ [সজল বিষণ্ণ বড়ো বড়ো চোখে পরিপূর্ণ তাকালো]
দাদা !

বিনয় ॥ [সাদরে পিঠ চাপড়ে] চুপ কর লতি—চুপ কর ।
[পরদা পড়লো]

দ্বিতীয় দৃশ্য

[প্রথম দৃশ্যের ঘর। টেবিলের উপর মুগামুগি বসে আছে শিবদাস
আব প্রমথ। দু'জনের মাঝখানে কাগজপত্র। প্রমথের হাতে কলম।
কি যেন সই ক'বে। এদিকে বিছানার উপর লতিকা একথানা
খাতায় ইংরেজী বই-এর খেকে হাতের লেগা লিগছে। আব মাঝে
মাঝে আডচোগে ওদের দিকে তাকাচ্ছে। শিবদাস ৩৫।৩৬ বছরের
গোলগাল চেহাবার মানুষ। প্রথমে দেখলেই মনে হয় সাদাসিধে,
কিন্তু ভাল ক'বে দেখলে বোঝা যায় তার মধ্যে একটা ধূর্ততা রয়েছে।]

শিবদাস ॥ হ্যাঁ হ্যাঁ, সই করুন, ওই খানটায় সই করুন।

প্রমথ ॥ [বিড়বিড়িয়ে, বোকা ধবণে] এই খানটায়? এই
লাইনটার ওপরে?

শিবদাস। হ্যাঁ, ওইখানেই। পুরো নামটা সই করুন।
বেশ ভাল করে! [প্রমথ সই ক'বল।]

শিবদাস ॥ [সই ক'বা কাগজটা টেনে নিয়ে, আব একটা কাগজ
দিয়ে] এবার এটায় সই করুন। [প্রমথ সই ক'বল]

শিবদাস ॥ [কাগজপত্রগুলো আঙু আঙু গুছিয়ে নিয়ে]
এখন আর কী? কেলা তো মেরে দিলেন। এবার শুধু
টাকাটা পেতেই যা বাকী!

প্রমথ ॥ [ভিক্ষার্থীর মত অতি বিনয়ে] হ্যাঁ, অনেকটা
নিশ্চিত হ'লুম। একটা কাজের মতো কাজ হ'ল। এবার
টাকাটার সঙ্গে একটু—

শিবদাস ॥ কিছু ভাববেন না । হাজার হোক দায়িত্ব নিয়েছি তো ।

প্রমথ ॥ জানি জানি, তা কী আর জানি না ? আপনি আমাকে বাঁচিয়ে দিলেন । হাতের রেখাটা নিশ্চয় পালটিয়েছে । রামলালঠাকুর বলেছিল বটে ।

শিবদাস ॥ কে রামলালঠাকুর ?

প্রমথ ॥ ওঃ, সে এক ভাল গণংকার ! [কী মনে পড়তে] আচ্ছা, একটা কিন্তু খটকা লাগছে ।

শিবদাস ॥ খটকা আবার কী ?

প্রমথ ॥ মানে, আসলে আমি তো পূর্ববঙ্গ থেকে আসিনি, রিফিউজিও নই । এতে কোন গোলমাল হবেনা তো ?

শিবদাস ॥ [কথাটাকে উড়িয়ে দিয়ে] পাগল ! তাহ'লে আমি আছি কী জন্তে ? কত লোককে পাইয়ে দিলুম—আর—আসলে তো আপনারাও রিফিউজী । ভাল ক'রে খাওয়া-পরা জোটে না । টাকাটা পেলে একটা হিল্লো ত'য়ে যাবে । এতে অন্তায়টাকী আছে ? আর গোলমালই বা হবে কেন ? তাছাড়া জানেন তো, উঁচু মহলে আমার যথেষ্ট মেলামেশা আছে ?

প্রমথ ॥ তা তো জানিই । তবে কিনা, [চোরের মত এদিক ওদিক তাকিয়ে] বিনয় এটা আবার পছন্দ করে না কিনা ।

শিবদাস ॥ রাখুন রাখুন, যে মরছে তার মুখে ধর্মকথা মানায় না ।

প্রমথ ॥ [বোকা বোকা হেসে] যা বলেছেন ! বিনয়টা যেন কী বকম ! [মুগটা শিবদাসেব কানেব কাছে নিয়ে ফিস্ফিস্ ক'বে] কিন্তু আপনি যেন বিনয়কে এসব কিছু বলবেন না । [হঠাৎ লতিকাব সংগে চোপা-চোখি হ'তেই] কী কর্ছিস্বে লতি ?

লতিকা ॥ লিখ্ছি ।

প্রমথ ॥ এক কাপ চা নিয়ে আয় না তোব শিব-কাকাব জন্তে ।

শিবদাস ॥ না না, আবার চা কেন ?

প্রমথ ॥ একটু চা খেলে আব কী হ'য়েছে ? এটা কিন্তু খেতেই হবে । [লতিকাক] যাবে যা, এক কাপ চা নিয়ে আয় দেখি । [উঠে এদিক ওদিক চাহা—মনে হ'চ্ছে খব চকন]

শিবদাস ॥ [বাহুতে পেরে] বসুন না । কী হ'য়েছে ?

প্রমথ ॥ না—কিছু না । মানে, আপনি ততক্ষণ একটু বসুন না । চা-টা খাবেন তো ? আমি একবার একটু চট্-ক'রে ঘুরে আসি ।

শিবদাস ॥ কোথায় যাবেন ?

প্রমথ ॥ মানে, যাবো না কোথাও । এই, রামলাল-ঠাকুরের সঙ্গে একবার দেখা ক'রে আসবো ।

শিবদাস ॥ কেন, হাতটা না দেখিয়ে বৃষ্টি স্থির হ'তে পারছেন না ? [প্রমথ বেকুবের মত হাসলো]

শিবদাস ॥ আচ্ছা আচ্ছা, আপনি বরং ঘুরে আসুন ।

[প্রমথব প্রস্থান]

[লতিকা ওয়্যাব ভঙ্গী করল। শিবদাস টেবিল থেকে উঠে তার কাছে গেল]

শিবদাস ॥ কী ? লিখছিলে ? কী লিখছিলে ?

লতিকা ॥ ইংরিজী হাতের লেখা ।

শিবদাস ॥ [লতিকার আঁবো কাছে গেল] বাঃ, বেশ লেখা তো ! [লতিকা নিঃশব্দ] তুমি বুঝি শুধু লেখো ?

লতিকা ॥ না, পড়িও ।

শিবদাস ॥ কোন্ ইস্কুলে পড়ে ?

লতিকা ॥ [বিস্ময় হাসলো] ইস্কুল অনেক আগেই ছেড়ে দিয়েছি ।

শিবদাস ॥ [আশ্চর্য আশ্চর্য লতিকার গব কাছে সরে যায়] ও । তা, তোমার তো খুব পড়ায় মন দেখছি ।

লতিকা ॥ না হ'লে দাদা বড্ড বকে । বলে, ধিংগির মত না ঘুরে ঘুরে একটু হাতের লেখা ক'রলে তো পারিস্ ?

শিবদাস ॥ দাদাকে বুঝি খুব ভয় ক'রো ?

লতিকা ॥ দাদা খুব ভাল !

শিবদাস ॥ বটে বটে ? [লতিকার গা বেঁসে] তা কি লিখলে ওটা দেখি ?

লতিকা ॥ [ভবে ভবে] ভাল হয়নি ।

শিবদাস ॥ দেখিই না । খুব ভাল হয়েছে । [লতিকার হাত ধরলো]

[লতিকা শিবদাসের এই ব্যাপারে ঘাবড়ে গিয়ে অশ্রুদিকে সরে পেল]

শিবদাস ॥ বাঃ, দিলে না যে ?

লতিকা ॥ না, আমি যাই। [সবে গিয়ে] চা নিয়ে আসি।

শিবদাস ॥ [এগিয়ে গেল] আরে আমি চা খাব না।
কোথাও যেতে হবে না।

লতিকা ॥ [ভয়ে ভয়ে এদিক ওদিক তাকিয়ে] ওই মা
আসছে !

[শিবদাস এগুতেই লতিকা দ্রুত পাল নিয়ে চলে গেল।]

শিবদাস ॥ আরে এই, শোনো শোনো। ভারী ছুঁছুঁ
মেয়ে তো !

এই যে বৌদি। টাকার ব্যবস্থাটা প্রায় পাকাপাকি
হ'য়ে গেল। [মা কিছু না বলে মাথায় ঘোমটা তুলে দিল]

সপ্তাখানেকের মধ্যে টাকাটা পেয়ে যাব মনে হোচ্ছে।

[মা শুধু ক্রান্ত হাসলো।]

মা ॥ আচ্ছা, কোন ভাল ডাক্তারের সংগে চেনা-শোনা
আছে ?

শিবদাস ॥ কার জন্তে ?

মা ॥ রমেনটা যেন কেমন হ'য়ে যাচ্ছে। মাঝে একটু
উন্নতি হোয়েছিল। কিন্তু আবার সেই খারাপের দিকে।
আমার তো আর ভরসা হচ্ছে না।

শিবদাস ॥ [ভেবে] হু। ভালো ডাক্তার। মানে, খুব
বড় ডাক্তার তো ? আচ্ছা, আমি দেখছি চেষ্টা ক'রে। হয়ত
হ'য়ে যাবে।

মা ॥ তাহ'লে খুব ভাল হয়। একজন বড় ডাক্তার দেখাতে পারলে আমি খানিকটা নিশ্চিন্ত হই।

শিবদাস ॥ কিছু ভাববেন না আপনি। একটা ব্যবস্থা আমি ঠিক ক'রে দেবো। আচ্ছা, চলি এখন। [প্রস্থান]

[মা গভীরভাবে ভাবতে ভাবতে বিছানাঘ বসল। মঞ্জু ঢুকে কিছু না বলে মাব পাশে দাঁড়িয়ে বইল]

মা ॥ [মঞ্জু এসেছে বসতে পাবে] কী বোমা ?

মঞ্জু ॥ ওতো ফিরবে এখনি অফিস থেকে। অথচ কী যে দি !

মা ॥ আজ বুঝি রুটি হয় নি ?

মঞ্জু ॥ আটা ফুরিয়েছে। সত্যি মা, এমনি ক'রে একটা মানুষের ওপর সমস্ত চাপ দিলে কি হয় ?

মা ॥ [ফিরে] সে তো আমাবও ছেলে বোমা। ও ভাবনা আমারও। তোমায় ভাবতে হবে না। আমি ব্যবস্থা কবছি। [প্রস্থান]

[মঞ্জু আস্তে আস্তে বিছানাঘ এসে বসলো—লতিকার প্রবেশ]

লতিকা ॥ [মঞ্জুর কাছে এসে] জানো বৌদি, বাবার সঙ্গে একটা লোক এসেছিল আজ ?

মঞ্জু ॥ কে ?

লতিকা ॥ ওই যে টাকা পাইয়ে দেবে ?

মঞ্জু ॥ শিবদাসবাবু ?

লতিকা ॥ হ্যাঁ। লোকটা আবার মা'র সঙ্গে ও গল্প করছিল।

মঞ্জু ॥ কেন, কী হ'য়েছে ? টাকা দিয়েছে নাকি আজ ?

লতিকা ॥ ছাই ! খালি বাবাকে দিয়ে কি সব সই কবিয়ে নিল । ভাবী অসভ্য লোকটা ! বাবাও যেমন !

মঞ্জু ॥ সত্যি ! লোকটা খুবই অসভ্য । টাকাটা ওর আজ্ঞে দেওয়া উচিত ছিল । না হ'লে লতিকার বিয়েটা যে আটকে যাচ্ছে ।

লতিকা ॥ [বেগে] ধোৎ ! আমি যেন ওই জন্মে বল্লুম । তোমরা যেন কী ? আমার বিয়েব জন্মে বাড়ীশুদ্ধ সকলের চোখে ঘুম নেই ! হ্যাং চপ ক'লো । তাবপব গভীর গলায় । আমি যদি ছেলে হতুম !

মঞ্জু ॥ কী ক'বতে তা হ'লে ?

লতিকা ॥ [গভীর গলায়] তাহলে পয়সা বোজগাব করতুম্ । এতো কষ্ট আর সহ্য হয় না ! কাকর মুখ দিয়ে রক্ত উঠছে, কেউ ধুকছে ! এব ওপব আবার আমার বিয়েব চিন্তা ! আমি পারছি না সহ্য ক'বতে !

মঞ্জু ॥ তবুও তো চলে যাচ্ছে ভাই । [বিমল]

লতিকা ॥ আচ্ছা বৌদি, এর কি শেষ নেই ?

মঞ্জু ॥ কে জানে ? এমনি ক'বে চ'লতে চ'লতে হয়ত মরনেই একদিন শেষ হবে ।

লতিকা ॥ [ভয়ে] না না, ও কথা ব'লো না বৌদি । ম'রবো কেন ? আমরা তবে জন্মেছি কেন ? এই জন্মেই কী ?

মঞ্জু ॥ [মুখটা বিকৃত কবে] না, স্বর্গ-সুখে থাকবে বলে !

মরবে না তো কী ! ভারী বাড়-বাড়ন্ত সংসার ! এ ছাড়া আর
কি আছে ভাগ্যে ? এই ঘর—এই দোর—এখানে দম বন্ধ
হ'য়ে আসে, মানুষ মরে যায় ! যেন এই আমি চেয়েছিলুম !

লতিকা ॥ বৌদি, কি ব'লছো তুমি ?

মঞ্জু ॥ থামো, আকামী ক'রতে হ'বে না ! যা বোঝ না
তাতে কথা ব'লো না । তোমার বিয়ে হ'লে বুঝবে ।

লতিকা ॥ কিন্তু দাদা—

মঞ্জু ॥ [বিকৃতির মনোঃ প্রকাশ্য হান্দোঃ] তোমার দাদা !
তোমার দাদা ! [বলতে বগঃঃ হ্যঃঃ উচ্চ হাসতে লাগলো]
তোমার দাদা, না লতি ? [হাসঃঃ] ও যেন একটা জ্বলন্ত
প্রদীপ । [হাস্ছে] নেভে না । [হাসতে হাসতে] আমি খুব
সুখে আছি লতি, আমি খুব সুখে আছি ।

লতিকা ॥ [ভয় পেয়ে] বৌদি, কী হ'ল তোমার ?

মঞ্জু ॥ [নিভন্ত গলায়] কিছু হয় নি । কিছু হয় নি ।
কিছু হয় নি আমার । [প্রশ্নান]

লতিকা ॥ পাগল না কী ?

[প্রমথ ঢুকলো । সে লতিকাকে দেখেনি । অগ্রমনস্কের মত বিড়্,
বিড়্ ক'রে ব'ক্তে ব'ক্তে আস্ছে]

প্রমথ ॥ তাহ'লে পাঁচহাজার এদিকে, আর ওদিক থেকে
যদি দশহাজার মারতে পারি—বাস্ ! চাকাটা তাহ'লে উন্টে
দিকে ঘুরবে । তাই ক'রো ভগবান—তাই ক'রো—

[সোজা চলে যাচ্ছে]

লতিকা ॥ বাবা !

প্রমথ ॥ যাঁ, তুই কি করছিস্ ?

লতিকা ॥ তুমি কি বক্ছো বিড়বিড়্ করে ?

প্রমথ ॥ কি আবার বক্ছো ? কিচ্ছু না তো । [কাছে গিয়ে] হ্যাঁ, তোর মা কোথায় ?

লতিকা ॥ মা বোধ হয় রান্না হবে ।

প্রমথ ॥ [ইতস্ততঃ করে] বড্ড ক্ষিদে পেয়েছে রে লতি ।
কিচ্ছু নেই ?

লতিকা ॥ দাদাকে বলে কি খেতে দেবে তাই মা
ভাবছে—

প্রমথ ॥ বিনয় আসেনি ?

লতিকা ॥ না ।

প্রমথ ॥ এত দেবী তো হয় না । তাহ'লে যা ভেবেছি
তাই !

লতিকা ॥ কী ?

প্রমথ ॥ কিচ্ছু না । কিচ্ছু না । তোর মা রান্নাঘরে
বল্দি না ?

লতিকা ॥ হ্যাঁ,—কিন্তু কিচ্ছু নেই যে বাবা ।

প্রমথ ॥ কিচ্ছু নেই ! [উদাস] দেখি—

[প্রস্থান]

[লতিকা টেবিলে গিয়ে বসলো । আয়নায় মুখ দেখছে—এমন
সময় রমেন চৌচিয়ে উঠলো]

রমেন ॥ [নেপথ্যে] মা, কোথায় গেলে তোমরা ? লতি
—ওঃ, আর পারছি না যে !

[লতিকা শুনে উঠে পড়লো, দরজার কাছে গেল]

[রমেন ঢলতে ঢলতে ঢুকলো]

লতিকা ॥ [ঙ্গ পেয়ে] একি ছোড়দা ? তুমি উঠে এলে
কেন ?

রমেন ॥ [দোলালটা ধরে] আর পারছি না ! নিঃশ্বাস
যেন বন্ধ হ'য়ে আসছে ।

লতিকা ॥ [রমেনকে ধরে] ব'সো ব'সো, এঠখানে
ব'সো । শেষকালে কি একটা কাণ্ড করবে ? মা দেখতে
পেলে আব আস্ত রাখবে না । [বিছানায় বসিয়ে দিল]

রমেন ॥ [হাপাচ্ছে] আর যে পারি নাবে লতি—এমনি
ক'রে শুয়ে শুয়ে আব পারিনা ! [আধশোঁক হ'ল] ।

লতিকা ॥ [মাথার হাত পুলিষে] তা কী কর'বে বলো ?
অসুখটা তো সারাতে হ'বে ।

রমেন ॥ থাম বাপু । [কাশি] কতদিন, আর কতদিন
ভগবান !

লতিকা ॥ [ভণিবারীর সঙ্গে] তুমি ছোড়দা কিন্তু এখুনি
ঘরে চলে যাও । মা এসে পড়লে খুব বকবে ।

রমেন ॥ [ক্লান্ত হেসে] নাহে, মা আমাকে বকবে না ।
কতদিন পরে যে বিছানা থেকে উঠলুম ।

লতিকা ॥ আবার তো কাল জ্বরে পড়বে ।

রমেন ॥ জ্বর তো আঁছেই । [কাশি] আজ কি বার রে
লতি ?

লতিকা ॥ বুধবাব !

রমেন ॥ এঘর থেকে তো আর আকাশ দেখা যায় না ।
টাঁদ ওঠে নি বুঝি ?

লতিকা ॥ আজ যে পূর্ণিমা ।

রমেন ॥ [আনন্দে] পূর্ণিমা ! খুব বড় টাঁদ উঠেছে, না ?
আকাশ একবারে জ্যোৎস্নায় ভ'রে গেছে, না ? [কি মনে
পড়তে,—কাশি] লতি, আমার সেই পুরনো কবিতাগুলো
কোথায় আছে রে ?

লতিকা ॥ সে আমি বাস্তায় তুলে রেখেছি ।

রমেন ॥ একদিন এসগুলো আমাকে প'ড়ে শোনাবি ?

লতিকা ॥ কালকেই শোনাব ।

রমেন ॥ আচ্ছা লতি, তোর কী মনে হয় আমি সেরে
উঠবো ?

লতিকা ॥ নিশ্চয় তুমি সেরে উঠবে ছোড়দা । ডাক্তার
বলেছে ।

রমেন ॥ ডাক্তার তো কত কথাই বলে ।

লতিকা ॥ তুমি খুব শীগ্গিরই সেরে উঠবে ছোড়দা ।

রমেন ॥ খুব শীগ্গিরি ? আবার আমি বেরোতে
পারবো ? এইসব লোকজন—রাস্তাঘাট—তুই ঠিক বলছিস্
লতি—আমি আবার সব দেখতে পাবো ? [কাশি] নারে,

দ্বিতীয় দৃশ্য]

নাগপাশ

আমি আর সেরে উঠবো না। এ যে যক্ষ্মা! বুকের ফুসফুসটাকে কামড়ে ছিড়ে রক্তাক্ত করে দিয়েছে। [কাশি]
তবুও আমি বাঁচতে চাই! এই আকাশ, মাটি, আলো, বাতাস, এর মধ্যে আমি বাঁচতে চাই!

লতিকা ॥ [কাঁদতে কাঁদে] হ্যাঁ, তুমি সেরে উঠবে বৈ কি ছোড়দা।

রমেন ॥ আজ কি বার বললি? বুধবার, না?

লতিকা ॥ হ্যাঁ।

রমেন ॥ [মনে করে] আমান জন্মদিন।

লতিকা ॥ হ্যাঁ।

রমেন ॥ আচ্ছা লতি, আজ আমার কত বয়স হ'ল বলতে পারিস্?

লতিকা ॥ মা বলছিল, আজ তুমি একুশ পড়লে।

রমেন ॥ একুশ! [তাঁর হতাশায় হাসলো] একুশ বছর বয়স! মাত্র একুশ বছর বয়সেই আমার সব শেষ হ'য়ে যাবে। একেবারে নিভে যাবো! [কেঁদে ফেলে]

লতিকা ॥ [কাঁদায়] তুমি অমন ক'রছো কেন ছোড়দা? চুপ করো। নাহ'লে আমি একুনি মাকে ডাকবো।

রমেন ॥ মা'কে ডাকলে আর কী হ'বে? [কাশি] লতি একটা কথা শুনবি আমার?

লতিকা ॥ কী?

রমেন ॥ তুই চুপি চুপি আমাকে একবার ছাদে নিয়ে

যাবি ? আমি চাঁদটাকে একবার দেখবো—দেখবো, কত জ্যোৎস্না সে ছড়িয়েছে । নিয়ে যাবি লতি ?

লতিকা ॥ আমি পারবো না । মা জানলে আমাকে কেটে ফেলবে ।

রমেন ॥ কিছু জানতে পারবে না । আমি একটু দেখেই নেমে আসবো ।

লতিকা ॥ তা হয না ছোড়দা । ঠাণ্ডা লাগলেই তোমার জ্বর হ'বে । আমি পারবো না ।

রমেন ॥ [মিনতিতে] নিয়ে চল লতি ! কিছু হ'বে না আমার । কতদিন পূর্ণিমার চাঁদ দেখি নি ।

লতিকা ॥ সেরে উঠে দেখবে ছোড়দা । এখন থাক না ।

রমেন ॥ সেরে উঠে দেখবো ? না, আজই দেখবো । আমার জন্মে তোর একটুও মায়া হয়না রে ?

লতিকা ॥ অমন কোর না ছোড়দা ।

রমেন ॥ আমি তোকে কথা দিচ্ছি লতি, গিয়েই চলে আসবো । একটুও দেবী ক'রবো না । [হাত ধরে] চল, নিয়ে চল ।

লতিকা ॥ [একদিকে ভয়ে, আর একদিকে মমতার] শুন্বে না কিছুতে ?

রমেন ॥ চল লতি ।

লতিকা ॥ চল । কিন্তু তাড়াতাড়ি চলে আসবে তো ?

রমেন ॥ আসবো ।

লতিকা ॥ [তুলে ধবে] বেশ, চলো । [ছ'জনের প্রস্থান]
 [বিনাম্রব প্রবেশ । সে খুব আন্তু আন্তু ঢুকলো । তাবপব
 বিছানা বসলো । সে যেন কি ভাবছে । তাবপব কাকে
 ডাকতে গিয়ে ডাকলো না । আন্তু আন্তু বিছানা থেকে
 উঠে । যেন এতটা কিছু ক'বেবে কি ক'বেবে না—এত
 ভাবছে । পাখচাবী স্বর ক'বেল, কিন্তু কিছুই ঠিক ক'বতে
 পারছে না । ক্রমশ একটু বেশী চঞ্চল হ'লো । কিছু
 কিছু ঠিক ক'বতে পারছে না । এমন সময় মা ঢুকলো

মা ॥ তই এসেছিস ? এত দেরী হল যে আজ ?

বিনয় ॥ [মন ভাবনা মধ্য থেকে] য্যা—ও, একটু কাজ
 ছিল ।

মা ॥ তা আয় বাপু, খাবি আয় ।

বিনয় ॥ যাচ্ছি । আচ্ছা মা, যদি আমার চাকরীটা
 যায় ?

মা ॥ [চমকে] সে কি কথা রে !

বিনয় ॥ [সাম্লে নিবে] নানা, কিছু না, এমনি বলছিলুম ।

মা ॥ এসব অলুঙ্কনে কথা বলে নাকি কেউ ? তুই যেন
 কি রকম হয়ে যাচ্ছিস । চল, খাবি চল ।

বিনয় ॥ চল । [প্রস্থান]

[মা তখনি গেল না । দাঁড়িয়ে দাঁড়িয়ে কি যেন ভাবতে লাগল]

[প্রমথর প্রবেশ]

প্রমথ ॥ নাও এবার ছেলেকে সামলাও !

মা ॥ কেন বলত ?

প্রমথ ॥ ছেলেকে জিজ্ঞাসা কব না—এতক্ষণ কোথায় ছিল? আপিস্ তো অনেক আগেই ছুটি হয়ে গেছে।

মা ॥ আমি কিছু বুঝতে পারছি না। খুলে বল কি হয়েছে?

প্রমথ ॥ আমি তো কেউ নই—সেই যে বলেছিলুম না ঐদেব আপিসে একটা গোলমাল চলছে?

মা ॥ [মনে কবে] হ্যাঁ, তা বলেছিলে বটে! তা—আজ কি হয়েছে।

প্রমথ ॥ হবে আবার কি? তোমাব ছেলে আর তাব বন্ধু বান্ধব মিলে ষ্ট্রাইক কবছেন—মানে ধর্মঘট!

মা ॥ কেন?

প্রমথ ॥ মাইনে বাড়াতে হবে।

মা ॥ মাইনে তো বাড়াই দবকার।

প্রমথ ॥ সে তো আলাদা কথা। কিন্তু ধর্মঘট কবলে চাকরী শুদ্ধু যাবে।

মা ॥ না—না, বিনয় এর মধ্যে থাকতে পারে না।

প্রমথ ॥ আমি নিজে ওর বন্ধু বান্ধবেব কাছ থেকে খবর নিয়ে এসেছি। ওর দেরী তো এই জগ্গেই।

মা ॥ আমি তাকে বারণ করব।

প্রমথ ॥ দেখ বারণ কবে। ছেলের জেদ চাপলে কি আর রক্ষে আছে!

মা ॥ ও রকম কথা বলছ কেন? আজ বিনয়ের চাকরী গেলে কি হাল হবে জান না?

প্রমথ ॥ জানি বলেই তো খবরটা দিলুম ।

মা ॥ যাক্, তোমাকে এনিয়ে আর মাথা ঘামাতে হবে না ।
কিছু বলো না যেন ।

প্রমথ ॥ আমি কেন বলতে যাব ? তোমার ছেলে কী
আর আমার কথা শোনে ? আমি কে ? সংসারের কিছু হ'লে
আমার কি এসে যায় ? বাইরের লোক কিনা !

মা ॥ দেখ বাপু, ভাল লাগে না । বুড়ো বয়সে কি
ভীমরতি হয়েছে ? ছেলেকে সামলাবো না তোমাকে
সামলাবো ? তুমি যাওনা এখন থেকে । বিনয় আসবে
এখুনি ।

প্রমথ ॥ বেশ যাচ্ছি । [প্রস্থান]

[মা ডাবছে । বিনয়ও প্রবেশ । বিনয় চিন্তিতভাবে মা'র সঙ্গে কথা
না বলে বিছানায় বসল । মা কিছুক্ষণ বিনয়কে লক্ষ্য ক'বে
তার কাছে গেল । তা'রপর মাথা'র হাও বা'থগো]

মা ॥ কী হয়েছে রে ?

বিনয় ॥ কিছু হয়নি তো ।

মা ॥ তবে তখন ও কথা বললি কেন ?

বিনয় ॥ কী ?

মা ॥ চাকরীর যাওয়ার কথা না কি বলি ?

বিনয় ॥ [স্নান হেসে] ও কিছু নয় ।

মা ॥ লুকোসুনি বিনয় । [বিনয় নিরুত্তর]

মা ॥ বল্ । শুনলুম তোরা সব কি করবি ঠিক করেছিস্ ?

বিনয় ॥ আচ্ছা মা—আমার যদি কিছু মাইনে বাড়ে তা' কি তুমি চাও না ?

মা ॥ তা' কে না চায় ? কিন্তু চাকরী যেত পারে যে ।

[বিনয় নিরুত্তর]

ভেবে দেখ্ বিনয়, এত বড় ঝুঁকি নেওয়া কি উচিত হবে ?
তো'র ওপর যে সব ভরসা । আমাদের কথা না হয় ছেড়েই
দিলুম । রমুটা মরবে । লতির যে কি হ'বে ভাবতেই পারি না ।
আর আমি যে বড় আশা করে তো'র বিয়ে দিয়েছি !

বিনয় ॥ কিন্তু আর যে পারছি না মা ।

মা ॥ তা'ব জন্তে কি চাকরীটা খোয়াতে হবে ?

বিনয় ॥ কোথা থেকে যেন ভাঙতে শুরু করেছে মা ।
এভাবে বোধহয় জোড়া দেওয়া আর চলছে না ।

মা ॥ আমার এ সংসারকে আমি কিছুতেই ভাঙতে দেব
না । বুক দিয়ে আগলে রাখবো । তুই শুধু মাথা ঠাণ্ডা কর ।
[বিনয় স্নান হাসলো] তুই এসব গোলমালের মধ্যে থাকিস্নি
বিনয় ।

বিনয় ॥ কিন্তু সকলেই যে ঝুঁকি করছে মা—সকলেই ।

মা ॥ তোমার অবস্থাটা সকলকে বুঝিয়ে বলবে ।

বিনয় ॥ সকলেরই তো এক অবস্থা মা । তাইতো
ঝুঁকি । ভাঙ'ন বোধহয় সব জায়গাতেই লেগেছে ।

মা ॥ [আর্তনাদের মতো] না—না, এ কিছুতেই হতে
পারে না । তুই এর মধ্যে থাকতে পারবি না বিনয় ।

বিনয় ॥ মা, আমি কি বলবো তাহ'লে ?

মা ॥ কী আর বলবে ? আমাদের ভানিয়ে দিতে তুমি পারো না ।

বিনয় ॥ [চঞ্চলভাবে উঠে পায়চারি কবতে করতে] তুমি বুঝতে পারছো না মা !

মা ॥ আমি আর বুঝতে চাই না । - তুমি এর মধ্যে থাকবে না ।

বিনয় ॥ চাকরী খোঁজতে কি আমিই চাই ?

মা ॥ তবে আর কোনো কথা নয় ।

বিনয় ॥ কিন্তু সবাই বলে—

মা ॥ বলুক ! তোমার কাজ তুমি করবে ।

বিনয় ॥ [অস্থির] তা কি করে হয় ?

মা ॥ আর কিছু শুনতে চাই না । আমি বারণ করছি—
তুমি এর মধ্যে থাকতে পারবে না । [প্রস্থান]

বিনয় ॥ [হতাশায় ভেঙে পড়ল] মা !

[এমন সময় প্রমথ চোরের মত পা টিপে-টিপে ঘরে ঢুকলো । বিনয়

তাকে দেখেনি]

বিনয় ॥ [ঘুরে দেখে] কি ?

প্রমথ ॥ না কিছু না । [বিনয় বিছানায় বলল] তুমি তা হলে
ছাইকু করছিস্ না তো ?

[বিনয় ভীষণ রোগে ভুঁকালো । কিন্তু কিছু বসলো না]

ছাইকু করলে কি কিছু হয় ? শুধর একদল লোকের

হুজুগ। বরং ওপরওয়ালাকে খুসি কর, দেখবি মাইনে বেড়ে গেছে। তা জে আর করবি না! আমার রোজগার নেই, তোর একটা কিছু হলে কি হবে বলতো? কই, আমরা তো কখনো ষ্ট্রাইক করিনি!

বিনয় ॥ তোমরা আর আমরা অনেক তফাৎ।

প্রমথ ॥ তফাৎ আবার কি? ওসব করিস্নি বিনয়।

বিনয় ॥ ষ্ট্রাইক আমি করব।

প্রমথ ॥ সংসারকে ভাসিয়ে দিয়ে?

বিনয় ॥ তুমি সংসারকে ভাসিয়ে দাও নি?

প্রমথ ॥ [খম্কে] আমি! আমি ভাসিয়ে দিয়েছি সংসার? এ কথা তুইও বল্ছিস্! আমি আমার বক্ত ডেলে দিয়েছি।

বিনয় ॥ তাই তো চুবি করলে। তখন ভেবেছিলে কি হতে পারে?

প্রমথ ॥ বিনয়। [কুকড়ে গেল]

বিনয় ॥ যাও, আমার কোনো পরামর্শের দরকার নেই।

প্রমথ ॥ যাব। আমি সংসার ভাসিয়ে দিয়েছি। আমি চুরি করেছি। কিন্তু কেন করেছি?

বিনয় ॥ তা তুমিই জানো।

প্রমথ ॥ তোর জানবার কোনো দরকার নেই?

বিনয় ॥ কেনে লাভ কী?

প্রমথ ॥ লাভ আছে বই কি। তুই ছেলে হয়ে আমাকে

চোর বলে ঘেমা করবি ! কিন্তু আমি কি সত্যি সত্যি একটা চোর ? কেন এসব করেছি ?

বিনয় ॥ [এবার জান্‌বার ইচ্ছায় স্পষ্ট গলায়] কেন করেছ ?

প্রমথ ॥ তোদের জন্তে করেছি ।

বিনয় ॥ আমাদের জন্তে ?

প্রমথ ॥ হ্যাঁ ।

বিনয় ॥ কিন্তু কি দরকার ছিল ?

প্রমথ ॥ [বেদনার্ত গলায়] দরকার ছিল । তুই, রমু, লতি, সব তখন ছোট—ইস্কুলে পড়িস্ । তোদের তখন বোঝবার উপায় ছিল না আমি কি করে সংসার চালাই । ৫০ টাকা মাস্ট্রনের করানি । ভাল করে লেখাপড়া শিখিনি । তাই পঞ্চাশ টাকার বেশী রোজগার করা আমার পক্ষে সম্ভবও ছিল না । কিন্তু সংসার তো শোনে নি । তোদের ইস্কুলের মাইনে, জামা কাপড়, তোদের ছ'বেলার মুখের ভাত—এসব চালিয়ে যেতে আমি আর পারছিলুম না । কোনো রাস্তা ছিল না । শুধু একটা উপায় ছিল । আমি যে ডিপার্টমেন্টে কাজ করতুম, সেখান থেকে নানা জিনিষপত্র কেনা হত । আমিই কিনতুম । কাজটা ছিল লোভের ! কারণ উপরি রোজগার করা যায় । এতদিন আমি সং ছিলুম । মুখ বুজে কাজ করে গেছি । কিন্তু আর পারলুম না । জিনিষ কিনলুম ছ'টাকায়—আর কোম্পানিকে দেখালুম কিনেছি চার টাকায় । বাড়তি ছ'টাকা আমি চুরি করতে লাগলুম । লোককে বলতুম

—উপরি । বছরের পর বছর এই করেছি । তাই তোরা আজ কোনো রকমে বেঁচে আছিস্ । চুরি না করলে তোদের কি হতো জানি না । তবে চুরি করেছি—হ্যাঁ, করেছি আমি । কিন্তু তাও গেল । চুরি করা একদিন বন্ধ হয়ে গেল ।

বিনয় ॥ চাকরী গেল ?

প্রমথ ॥ হ্যাঁ, তখন তুই ম্যাট্রিক পাশ করেছিস্ । তোকে আর পড়াতে পারলুম না । সংসার অচল হয়ে গেল । আমার অবস্থা হলো নোঙব-ছেড়া নৌকার মতো ।

বিনয় ॥ কিন্তু কেন এরকম করলে ?

প্রমথ ॥ [যেন নিজেকে প্রশ্ন করছে] কেন করেছি । কেন করেছি ! কিন্তু সবটাই কি আমার দোষ ?

বিনয় ॥ দারিদ্র্যের দোষ । তুমি অসৎ উপায়ে টাকা রোজগার করলে—আর সেই টাকায় আমরা বাঁচলুম—বড় হ'লুম ।

প্রমথ ॥ তা হয়েছে ।

বিনয় ॥ কেন এরকম হোল ?

প্রমথ ॥ ভগবান জানে ! আমার অবস্থায় না পড়লে কেউ বুঝতে পারবে না ।

বিনয় ॥ কী হবে বুঝে ?

প্রমথ ॥ কেন বুঝবি না ? না হলে যে শুকিয়ে মরে যেতিস্ ।

বিনয় ॥ মরে যেতুম ।

প্রমথ ॥ হ্যাঁ। আমার ক্ষমতা ছিল না বাঁচাবার। কিন্তু আমি যে বাপ! চোখের সামনে তোরা একটা একটা কোরে নিভে যাবি—

বিনয় ॥ তা সহ করতে পারোনি।

প্রমথ ॥ পারিনি।

বিনয় ॥ [মমতায়] কেন পারোনি? পারলেই হয়ত ভালো করতে। [কাগাচাপা গলা] আমি আর কিছু বলবো না—আর কিছু শুনবো না আমি।

প্রমথ ॥ বিনয়!

বিনয় ॥ য্যাঁ!

প্রমথ ॥ আমি চোর নইরে।

[বিনয় উদাস বিস্ফারিত চোখে চেয়ে বইল]

প্রমথ ॥ বিনয়।

বিনয় ॥ [বাবাব দিকে তাকিয়ে শান্ত গলায়] তুমি যাও বাবা।

প্রমথ ॥ আমি যাচ্ছি। যাচ্ছি এখনি।

[প্রস্থান]

[বিনয় বিছানায় বসলো। তাব মধ্যে একটা ঘন্ড চলছে। মুখে আব শরীরের ভঙ্গিতে তা পবিস্ফুট। বাবার অবস্থাটা বুঝতে চায়—কিন্তু কখনো পারছে, কখনো পারছে না। সন্ধ্যা হোয়ে এলো। মঞ্চের আলো বাপসা হোয়ে আসছে। বিনয় আন্তে আন্তে বিছানায় শুয়ে পড়লো। তাকে দেখে মনে হয় সে যেন তন্ত্রাচ্ছন্ন। ক্রমশ তার শরীর স্থির হোয়ে

আসছে। একটু পবে প্রমথ ঢুকলো। প্রথমে সে দ্বিধা কবলো—বিনয়ের কাছে যাবে কিনা—ইতঃস্বত কবলো। কিন্তু তাবপব একটু একটু কবে এগুলো। বিনয়ের কাছে গিয়ে দাঁড়ালো। ক্রমে সে নিচু হয়ে নিজের হাতটা বিনয়ের মাথাব দিগে অসীম মমতাম বুলাতে লাগলো। তাবপব হাতটা তুলে নিয়ে নিজের গায়ের আলোয়ানটা খুলে নিয়ে বিনয়কে ঢাকতে গেল। কিন্তু তখন বিনয় নড়ে উঠল। প্রমথ আলোয়ানটা সবিন্দে নিল। বিনয় যখন আব নড়েছে না, তখন সে তাবাব নিজের হাতটা তাব মাথাব বুলাতে লাগলো। এবাব বিনয়ের তন্দ্রা ভাঙে। সে নড়েচড়ে প্রায় উঠাব মতো ভঙ্গি কবলো। তখন প্রমথ দ্রুত হাত সবিন্দে নিয়ে চলে যেতে লাগলো। বিনয় উঠে প্রমথকে দেখতে পেলো। প্রমথ তখন চোবের মতো অপ্রস্তুত। কিন্তু তাব ভঙ্গিতে মমতা ও স্নেহ জড়ানো। একটু দাঁড়িয়ে সে চলে গেল।

বিনয় ॥ [মাথাব নিজের হাত দিগে] বাবা—

পরদা পড়লো

তৃতীয় দৃশ্য

[প্রথম দৃশ্যের ঘর । সকাল । বিনয় আধশোয়া হয়ে খবরের কাগজ পড়ছে । একটু পরে মঞ্জু চা নিয়ে ঢুকলো ।]

মঞ্জু ॥ মা বাজারে যেতে বললো ।

বিনয় ॥ [কাগজটা কোলের উপর রেখে ফিরে তাকিয়ে] কেন ? বলে দিয়েছি তো রোজ রোজ বাজার হবে না !

মঞ্জু ॥ রোজ কি করে হ'ল ? দুদিন তুমি বাজারে যাওনি সে খেয়াল আছে ?

বিনয় ॥ ও । [চায়ের কাপটা নিয়ে চুমুক দিল] কিন্তু আমি ছাড়া কী বাজার করবার কেউ নেই ?

মঞ্জু ॥ কে আবার আছে ?

বিনয় ॥ কেন, বাবা কি বাজারটা করতে পারে না ?

মঞ্জু ॥ কী যে বলো ? উনি তো পারেন না । মা বলেন উনি গেলে চার আনার জায়গায় আট আনা খরচ ক'রে ফেলবেন ।

বিনয় ॥ [ঠিক করে কাপটা রেখে উষ্ণ মেজাজে] তাহলে আমি একটা মানুষ বাজার করি, বোনের পাত্র দেখি, আবার ডাক্তার ডেকে আনি, কেমন ? তোমরা আমাকে কী পেয়েছ বলত ?

মঞ্জু ॥ [নরম গলায়, মুহূর্তে অভিমানের] তা আমাকে বলছ কেন ? আমার একার জন্তে এসব ক'রছো না, বাড়ীপুকুর সকলের জন্তে ?

বিনয় ॥ - সবাই—সবাইকে বলছি ।

মঞ্জু ॥ আচ্ছা, কী হয়েছে তোমার ব'লো তো ? আজকাল একটুতেই তোমার মেজাজের ঠিক থাকে না !

বিনয় ॥ কী আবার হবে ? কিছু হয় নি । অতো বেশী বুঝতে চেষ্টা ক'র না । যাও, বাজারের খলেটা এনে দাও ।

মঞ্জু ॥ দিচ্ছি । কিন্তু যদি বেশি বুঝতে চেষ্টা করি তাহ'লে কি অশ্রায় হবে ? [বিনয় নিরুত্তর] তুমি কেন আমাব সংগে এমন করো ?

বিনয় ॥ কি করি ?

মঞ্জু ॥ আজকাল তুমি কতো রুক্ষ হ'য়ে গেছ ! আমাকে ক'তো কি বলো ! [বিনয় কিছু না বলে শুধু তাকালো] তোমার চিন্তার কারণ আমি যদি জানতে চাই, তাহ'লে তুমি কেন আমায় ব'লবে না ? কেন আমার কাছে লুকোও ?

বিনয় ॥ [স্নান হেসে] লুকোই ! কিন্তু তুমি জেনেই বা কি হবে ? [সামনের দিকে তাকিয়ে] ঝুঁক ! ভাল, তোমাকে বলবো মঞ্জু । কেন বলবো না ? হয়ত অনেকটা হাল্কা হবো । কিন্তু তুমি বাজারের খলেটা এনে দাও । আগে বাজারটা ক'রে আনি । [মঞ্জুর চায়ের কাপ নিয়ে প্রস্থান]

[বিনয় স্নান হান্ধলো । তারপর উঠে গিয়ে জামা গায়ে দিল । আবার সামনে এলো, সে কী যেন ভাবছে । ইতিমধ্যে অমিয়র প্রবেশ]

বিনয় ॥ [অমিয়কে দেখে] কী ব্যাপার ? হঠাৎ ?

অমিয় ॥ কেন, আসতে নেই ?

বিনয় ॥ না না, তা বলছি না। মানে অনেকদিন পরে এলে কিনা ?

অমিয় ॥ হ্যাঁ। মাঝখানে এই বারো দিনই যা আসিনি। আমাদের ছ'জনের মাঝখানে এখন এই বারোদিন। বোধহয় একটু তফাৎ হ'য়ে গেছি আমরা !

বিনয় ॥ [ব্যগ্র] না না, তফাৎ কেন হ'বো ? তুমি আর আমি একই টেবিলে বসে কতদিন কাজ ক'রে এসেছি।

অমিয় ॥ কিন্তু আজ সেই টেবিলে তুমিই একা বসে আছো—আমি নেই।

বিনয় ॥ [আদ্র গলায়] অমিয় !

অমিয় ॥ আজ আমি ষ্ট্রাইক করছি—আর তুমি অফিস যাচ্ছ। বারোদিন !

বিনয় ॥ কেন তুমি আমায় এমন করে যন্ত্রণা দিচ্ছ ? তুমি তো জানোই—কেন আমি ষ্ট্রাইক করতে পারলুম না !

অমিয় ॥ ওতো পুরোনো কথা।

বিনয় ॥ কিন্তু সত্যি কথা। আমার অবস্থা তুমি তো জানো।

অমিয় ॥ সেটা কিছু নতুন নয়। অন্য সকলের অবস্থাও তোমার চেয়ে ভাল নয়। নাহলে তারা ষ্ট্রাইক ক'রতে নামুলো কেন ?

বিনয় ॥ [কোন বক্তব্য খুঁজে না পেয়ে] আর পারছি না—তুমি কী বলতে চাও খুলে বলো।

অমিয় ॥ আজ বারোদিন ষ্ট্রাইক চলছে। সমস্ত অফিসে মাত্র তোমরা পঁচিশজন কাজ করছ। তিনশ জনের জায়গার পঁচিশজন কিছুই নয়। তবুও তুমি অফিস যাওয়া বন্ধ কর বিনয়! তাহ'লে তোমার সঙ্গে আরো কিছু লোক চলে আসবে। আন্তে আন্তে দেখবে ওরা একটি লোকও আর পাবে না।

বিনয় ॥ আমাকে ষ্ট্রাইক ক'রতে বলছো?

অমিয় ॥ হ্যাঁ।

বিনয় ॥ এছাড়া আর অন্য কিছু হয় না?

অমিয় ॥ না। [বিনয় ভাবছে]

বিনয় ॥ কিন্তু—না না, এ হয় না অমিয়!

অমিয় ॥ তুমি কি ভাবো কোম্পানী তোমাদের খুব বিশ্বাস করে?

বিনয় ॥ করে না। ওরা আমাদের বিশ্বাস করে না।

অমিয় ॥ দরকার মনে করলে নিষ্ঠুরভাবে তোমাদের দূর করে দিতে পারে।

বিনয় ॥ হয়ত পারে।

অমিয় ॥ তবে কেন এখনো ভয় ক'রছো? কিসের আশা?

বিনয় ॥ আশা! চাকরিটাস্তো এখনও আছে।

অমিয় ॥ চাকরির মায়া আমাদেরও আছে বিনয়।

বিনয় ॥ তোমরা আমাকে দয়া'করো অমিয়।

অমিয় ॥ তুমি তো কোম্পানীর দয়া পেয়েছ। কিন্তু আমাদের কথা তো কেউ ভাবে না। অথচ আমরাও আমাদের

চাকরীতে ফিরে যেতে চাই। না হ'লে খাব কী? কিন্তু
সসন্মানে যেতে চাই—ভালো মাইনে পেতে চাই। তাইত
এতো সহ্য ক'রছি। তোমরা পঁচিশজন আর আমরা ছ'শ
পঁচাত্তর জন। আমাদেরও স্ত্রী-পুত্র পরিবার আছে—
অনাচারের ভয় আছে। শুধু মাছির মত জীবনকে ঘণা করি
বলেই ঠ্রাঠিক ক'রছি। [একটু থেমে] আমার আর কিছু
বলবার নেই। তবে, তুমি আর একবার ভেবে দে'খ। [প্রশ্নান]

[বিনামূল্যে দেখলে মনে হয় তাব মধ্যে একটা যন্ত্রণা হ'চ্ছে। কিছুক্ষণ
ধরে সে নিজেকে সামলালে। তাবপব বাড়ীর মধ্যে গিয়ে
বাড়ার খলিটা নিয়ে বেরিয়ে গেল]

নেপথ্যে মা ॥ লতি, ওরে ও লতি।

[মা'র প্রবেশ]

মা ॥ কোথায় যে যায় সব? লতি—। দেখো, ঘরটা
কিরকম অগোছাল হ'য়ে র'য়েছে। বৌমা যে কী!

[কাপড়-চোপড় ও অগাণ্ড জিনিসগুলো ঠিকমতো রাখতে লাগলো]

[লতিকার প্রবেশ]

লতিকা ॥ কি ব'লছে মা?

মা ॥ কোথায় গিছিলি? কাজের সময় পাওয়া যায় না।

লতিকা ॥ একটু ছাদে গিয়েছিলুম মা।

মা ॥ কী যে ছাদ চিনেছিস্ তোরা! সেদিন রমুটাকে
নিয়ে গিয়ে একটা কাণ্ড করলি। সেই যে ছেলের অর হ'ল,
এখনও সারে না। সবাই মিলে দেখ'ছি আমাকে পাগল করবি।

লতিকা ॥ কী বলছিলে বলো না ?

মা ॥ কী আবার বলবো। দুধটা গরম ক'রে রমুকেন্দে।
[লতিকা চলে যেতে যেতে ফিরল]

লতিকা ॥ মা !

মা ॥ কী ?

লতিকা ॥ গয়লা বলেছে কাল থেকে আর দুধ দেবে না।

[মা কিছুক্ষণ স্তব্ধ হ'য়ে রইল]

মা ॥ তার আর দোষ কি বল ? বিনা পয়সায় কে আর দুধ দেয় ! [একটু পরে] বাকসোয় আমার চারগাছি চুড়ি আছে বোধ হয়। সেগুলো বার ক'রে রাখিস্ তো।

লতিকা ॥ কেন মা ?

মা ॥ কেন আবার ? কিছু টাকার ব্যবস্থা করতে হবে তো ? চোখের সামনে ছেলেটা কী ম'রবে ? [থেমে]
ইঁয়ারে, ও কোথায় গেছে রে ?

লতিকা ॥ বাবা তো কোন্ সকালে বেরিয়ে গেছে।
ক'দিন ধরে শিবদাসবাবুর খোঁজ পাওয়া যাচ্ছে না।

মা ॥ [ম্লান হেসে] ইঁ্যা, অভাগার কপালে জোটেও
যত ! তুই যা, বিনয়ের আবার বাজার থেকে আসবার সময়
হ'ল। ছেলের মাথায় আবার ঢুকেছে ট্রাইকের চিন্তা। কী
যে হবে ! [লতিকার প্রস্থান]

[প্রথমধর প্রবেশ। মাথার চুল তার বিশস্ত—একটা এলো-মেলো
পাগলের মত ভঙ্গি]

প্রমথ ॥ হায়—হায়, কী সর্বনাশ হোল আমার ! সব গেল ! সব গেল ।

মা ॥ কী হ'য়েছে ? [অবাক]

প্রমথ ॥ কি হয়নি বলো ? ওরে বাবারে ! [কপাল-বুক চাপড়ালো] আমার কি হবে রে ! সব গেল ! সব গেল ! আমাকে একেবারে ছন্নছাড়া কোরে দিয়ে গেল !

মা ॥ [এগিয়ে এসে] বলি হ'ল কী ? পাগলের মত অমন ক'রছ কেন ?

প্রমথ ॥ কেন ক'রবো না ? কেন ক'রবো না বলতে পারো ? শিবদাস—শিবদাস আমার মাথায় কাঁঠাল ভেঙে গেল রে ! [শেষের কথাগুলো সুর ক'রে বললো]

মা ॥ শিবদাস তাহ'লে তোমাকে টাকা দেয় নি ?

প্রমথ ॥ টাকা দেবে শিবদাস ? সে আমার হয়ে টাকা নেবে বলে আমি যে তাকে সেই ক'রে দিয়েছি !

মা ॥ ও ভালই হ'য়েছে । হাজার হোক অন্ডায় তো ।

প্রমথ ॥ শালা জোচ্চোর, শয়তান ! আমি দেখে নেব ! খুন ক'রে ফেলবো !

মা ॥ থাক—আর চেষ্টিয়ে কাজ নেই । তাকে আর তুমি পাচ্ছ ! সে তার কাজ সেরে পালিয়েছে । এখন ভেতরে যাও তো । চান ক'রে নাও । কিল খেয়ে হজম করা ছাড়া আর উপায় কি ? কথাটা তো আর কাউকে বলবার নয় ।

প্রমথ ॥ আমি দেখে নেব শালাকে ! টুঁটি কামড়ে দেব শিবদাসের ।

মা ॥ আঃ, তোমায় নিয়ে আমি কি ক'বো বলা তো ? বাড়ীতে একটা রুগী খুচ্ছে সে খেয়াল আছে ? অত চোঁচাচ্ছ কেন ?

প্রমথ ॥ [যেন অবাক হ'য়ে গেছে] বলা কী ! চোঁচাব না ? বুকাটা আমার ফেটে যাচ্ছে যে !

মা ॥ তুমি দয়া ক'বে ভেতবে যাবে ?

প্রমথ ॥ [হাঁ করে কিছুক্ষণ মা'ব দিকে চেয়ে] সব গেল ! সব গেল ! সব গেল । [প্রস্থান]

[মা প্রমথের দিকে একদৃষ্টে তাকিয়ে বইল—তাবপর প্রমথ চলে যাবার পর দীর্ঘ একটা নিশ্বাস ফেললো । এর পর ঘরের একদিক থেকে আর একদিক পর্যন্ত তাব দৃষ্টি ফেলতে লাগলো । ভঙ্গিতে মনে হ'চ্ছে অপূর্ণ এক ভালবাসার সামগ্রী অত্যন্ত নিষ্ঠুরভাবে মনে চণ হ'য়ে যাচ্ছে । মনে আর বাধা যাচ্ছে না । ক্রমে তাব চোপে জল এলো । চৌকির দিকে এগোল—দৃষ্টি তাব উলস, সম্মুখের দিকে । আনন্দে আনন্দে সে চৌকির উপর বসে পড়ল । ক্রমে মনে ধ্যান মগ্ন হ'ল]

[মঞ্জুর প্রবেশ]

মঞ্জু ॥ মা !

মা ॥ [চমকে] ম'য়া ! বোমা ? কী বলছে ?

মঞ্জু ॥ আপনি একবার আসুন । উনি রান্নাঘরের সাম্মে বসে বিড়বিড় ক'রে কী সব বলছেন । কিছুতেই উঠছেন না ।

মা ॥ জানি। তা আমি গিয়ে কি ক'রবো ?

[বিষন্ন হাসলো]

মঞ্জু ॥ আমার যেন কি রকম মনে হ'চ্ছে !

মা ॥ ভয় নেই মা। পাগল হয় নি। ও টাকার শোক।

মঞ্জু ॥ কিসের শোক বললেন ?

মা ॥ কেন, তুমি বুঝতে পারনি ? শিবদাসের কোন খোঁজ পাওয়া যাচ্ছে না—সে টাকা নিয়ে পালিয়েছে।

মঞ্জু ॥ ও !

মা ॥ ঋণ-অঋণ বুঝি না বোমা। টাকাটা পেলে আমাদের এই ছঃসময়ে কিছু সুবিধে হোত। তা ভগবান দিলেন না।

মঞ্জু ॥ অদৃষ্ট। [মা' ছঃস্ব হাসিতে মাথা নাড়লো।] কিন্তু আপনি একটু চলুন না মা।

মা ॥ কোথায় ?

মঞ্জু ॥ চান-টান ক'রে নিলে উনি বোধ হয় একটু সুস্থ হবেন। আমি তো বলে বলে পারছি না।

মা ॥ আমাকে মুক্তি দাও বোমা। আমাকে রেহাই দাও। আমি যেতে পা'রবো না !

মঞ্জু ॥ [কাছে এসে গায়ে হাত দিয়ে] শরীরটা কি আপনার ভালো নেই মা ?

মা ॥ [বিকৃত হেসে] আমার শরীর ? দেখেছ, আমার

কখনো অসুখ দেখেছ বৌমা ? আমার তো অসুখ হয় না—
আমার অসুখ হয় না !

নেপথ্যে প্রমথ ॥ খুন ক'রে ফেল্‌বো । টুঁটি. কামুড়ে
দেব শিবদাসের ।

মা ॥ বৌমা, একটু যাও না বৌমা । ওকে তুমি চান
করিয়ে দাও । আমি আর পারছি না । কেমন যেন হ'য়ে
গেছি । আমার হাত ছুঁতে একটুও যেন জোর নেই ।
একটু বসে থাকি । বিনয়ের এই ঘরটা আমার বেশ ভাল
লাগে —বেশ লাগে । তুমি যাও বৌমা ।

[মঞ্জুর নিরুপায়ের মত প্রশ্নান]

[মা হঠাৎ নিজের মনে হেসে উঠলো । বিনয় ঢুকলো, হাতে বাজাষ ।

মা বিনয়কে দেখেনি । সামনের দিকে তাকিয়ে আছে]

বিনয় ॥ [মা'র কাছে গিয়ে] কি হ'য়েছে মা ?

মা ॥ [ফিরে] কিছু হয়নি তো । বাজারটা দিয়ে আয় ।

বিনয় ॥ যাচ্ছি । তুমি অমন ক'রে বসে রয়েছ কেন মা ?

মা ॥ জানিস্ বিনয়, শিবদাস টাকাটা ফাঁকি দিয়েছে ?
তার কোন খোঁজ পাওয়া যাচ্ছে না ।

বিনয় ॥ [যেন একটু আশোষে] জানি । ওতো একটা
জোচ্চোর । অন্ডায় কখনও নয় ?

মা ॥ অন্ডায় ! অন্ডায়-অন্ডায়ের চুল-চেরা হিসেব তুই
করতে পারিস্ বিনয় ?

বিনয় ॥ হয়ত পারিমা । [প্রশ্নান—অমিয়র ক্রত প্রবেশ]

অমিয় ॥ বিনয় ! বিনয় আছে নাকি ?

মা ॥ আছে । বসো । [অমিয় বসলো]

মা ॥ কিছু দরকার আছে বুঝি ?

অমিয় ॥ হ্যাঁ. একটা খবর দেবো । [বিনয়ের প্রবেশ]

বিনয় ॥ [অমিয়কে দেখে] কী ব্যাপার অমিয় ?

অমিয় ॥ তোমাকে একটা খবর দিতে এলুম । কোম্পানী সমস্ত কর্মচারীকে বরখাস্ত ক'বেছে ।

বিনয় ॥ [অমিয়ের হাতটা চেপে ধবে] কি বলছো তুমি ?

অমিয় ॥ ঠিকই বলছি । এই মাত্র খবর পেলুম ।

বিনয় ॥ তার মানে আমরা যাটা কাজ করছি, তাদেরও বরখাস্ত করা হ'ল ?

অমিয় ॥ সকলকে, তিনশোজনকেই । এই নোটিশটা পড়লেই বুঝতে পারবে । [পকেট থেকে একটা কাগজ বেব ক'বে দিল]

বিনয় ॥ [কাগজটা পড়ে স্তম্ভিত] অমিয় !

অমিয় ॥ কী ?

বিনয় ॥ না না, এ হ'তে পারে না ! একেবারে এতটা !

অমিয় ॥ তোমার বিশ্বাস হ'চ্ছে না ?

বিনয় ॥ হোচ্ছে । না কোরে উপায় কী ? কিন্তু আমার চাকরিটা হয়ত নাও যেতে পারে অমিয় ।

অমিয় ॥ হ্যাঁ, ওরা তোমাকে হয়ত নতুন করে Appointment দেবে । নতুন চাকরী হবে তোমার ।

বিনয় ॥ কেন তা হবে ? এতদিনের চাকুরি আমার এক-
কথায় চলে যাবে ! আর এক কথায় তা নতুন ক'রে শুরু
ক'রতে হবে ? এ কিছুতেই হয় না ।

অমিয় ॥ যদি তাই হয় তাহ'লে কি ক'রবে তুমি ?

বিনয় ॥ তার আগে জিজ্ঞাসা ক'রছি, তোমরা এখন
কি ক'রবে ?

অমিয় ॥ আমরা ষ্ট্রাইক চালিয়ে যাব । এটা শুধু
একটা ছুঁকি ।

বিনয় ॥ [অমিয়ব দিকে তাকিয়ে কি ভাবলো, তাবপব নিজেব
মনে কি ভাবলো—পরমুহর্তেই মা'র দিকে ফিবে] মা !

মা ॥ [মা মাথা নেড়ে জিজ্ঞাসা ক'বল] কী ?

বিনয় ॥ আমি ষ্ট্রাইক ক'রবো মা !

[মা বিস্ময়িত চোখে বিনয়ব দিকে তাকিয়ে বইল । এমন সময়
নেপথ্যে একটা বাটি পড়াব বান্‌বান্ শব্দ হ'ল]

নেপথ্যে লতিকা ॥ মাগো !

বিনয় ॥ কি হ'ল ?

মা ॥ দেখত বিনয় । [বিনয় এগোল, সংগে সংগে লতিকা
ছুক্লো । অপবোধীব ভংগী, কাঁদো কাঁদো]

বিনয় ॥ কী হ'য়েছে ?

মা ॥ কী ফেল্লিরে লতি ?

লতিকা ॥ [কান্নায়] ছুঁধের বাটিটা পড়ে গেল মা !
ছোড়দাকে ছুঁটা দিতে যাচ্ছিলুম—

মা ॥ [অসহায়] আর যে ছুধ নেই রে !

লতিকা ॥ [কান্নায়] জানি মা । কিন্তু হাত থেকে কেমন ক'রে যে কস্কে বাটিটা পড়ে গেল । আমার মাথা খুঁড়ে মরতে ইচ্ছে ক'রছে ! [ফোঁপাতে লাগলো]

মা ॥ ভালোই হ'য়েছে । গয়লা তো কাল থেকে ছুধ দেবেই না বলেছে ।

বিনয় ॥ আমি ঝুঁকি ক'রবো মা !

[লতিকার ফোঁপানী একমুহূর্তের জন্য বন্ধ হয়েছে । সে বিনয়ের দিকে তাকালো । আর মা পরিপূর্ণভাবে তাকালো বিনয়ের দিকে]

মা ॥ [খুব আশ্বে] বিনয় ।

বিনয় ॥ হ্যাঁ মা । আমি ঠিক ক'রে ফেলছি । তুমি আর বাধা দিও না মা ।

[মা কিছু ব'ললো না, শুধু তাকিয়ে রইল]

ওই ছাখো, লতি কাঁদছে ! ছুধটা ওর হাত থেকে পড়ে গেছে বলে । ওর কী দোষ ? হাত থেকে ছুধ পড়ে যাওয়া কিছু আশ্চর্য্য নয় । কিন্তু আর এক বাটি ছুধ যোগাড় করার ক্ষমতা আমাদের নেই । এর চেয়ে আশ্চর্য্য ব্যাপার আর কি আছে ? কাল থেকে ছুধ একেবারে বন্ধ । কেন হবে ? আমার ভাই যক্ষ্মায় কাশ্তে কাশ্তে কুঁকড়ে যাবে । অথচ কোন ব্যবস্থা হবে না । কই, অবাক হই না কেন ? অভাবের জ্বালায় বাবা অন্ত্রের জ্বাবে টাকা রোজগার ক'রতে যায় । স্মার-বোধ পর্য্যন্ত মরে গেছে ! তুমি একটা ছেঁড়া

কাপড় পরে বসে রয়েছে। মা। লতি শুকিয়ে যাচ্ছে—আর মঞ্জুর আশা পুড়ে ছাই হয়েছে। বলা, এই সংসার তুমি চেয়েছিলে? আমরা কী ভাগ্যেব হাতে খেলার পুতুল?

[মা নিকন্তব শুধু তাকিয়ে আছে]

[কাছে গিয়ে হাত ধবে] কথা বলছ না কেন? শুধু মুখ বুজে সহ্য ক'বে যাবো? কবে তাহলে মাথা উঁচু ক'বে দাঁড়াব? কেন চীৎকার করতে পারবো না? বলা না মা, বলা! তুমি শুধু বলা, আমি ওদের সংগে ঝাঁক ক'রবো মা। এই বাবোটা দিন যে আমার কিভাবে কেটেছে তা আমিই জানি। আজ আমাকে একটা কিছু ক'রতেই হ'বে। তুমি আর বাধা দিও না মা।

মা ॥ [কাঁপছে, গলা স্নেন কিস্কিস্ ক'বছে] যাবি?

বিনয় ॥ হ্যাঁ মা। তুমি বললেই যাবো।

মা ॥ [কাঁপছে। অসীম মমতায় বিনয়ের মুগ খানা দেখে আব মাথায় হাত দিবে] যা—যা বিনয়! তুই যা ভাল মনে করিস্ তাই কর। আমি আর তোকে বাধা দেব না।

[প্রমথ চুকে একপাশে বিডবিড ক'বে]

বিনয় ॥ [আবেগে] মা! চলো অমিয়।

[মঞ্জুর প্রবেশ]

মঞ্জু ॥ ও কোথায় যাচ্ছে মা?

বিনয় ॥ আমি আসছি মঞ্জু। এখন আসছি। [মা'কে] আমি ওদের শুধু জানিয়ে আসবো মা। [বিনয় ও অমিয়র প্রস্থান]

মা ॥ [হাতে বুকটা চেপে ধবে] লতি !

[লতিকা ও মঞ্জু দ্রুত মা'র কাছে এলো]

লতিকা ॥ কী হ'ল মা ?

মা ॥ বুকের মধ্যেটা কেমন যেন ক'বে উঠলো !
[কাঁপছে] ওঃ, কে যেন চেপে ধবেছে বুকটা ।

[অবশ হোল]

লতিকা ॥ [আধৌ কান্নায়] মা !

মা ॥ [জোব কবে সামলে নিবে] নাবে, কিছু হয়নি আমার ।
বোমা তুমি যাও । বিনয় এখন আসবে । ওব খাবাব
ব্যবস্থা কবো ।

[মঞ্জুব প্রস্থান]

প্রমথ ॥ [বিনয় চলে যাওয়ার ব্যাপাবটা পুরোপুরি বুঝতে না
পেবে] বিনয় কোথায় গেল ?

মা ॥ গেল একটু, এখন আসবে ।

প্রমথ ॥ কিন্তু গেল কোথায় ?

মা ॥ ও আজ থেকে ট্রাইক ক'রবে ।

প্রমথ ॥ সর্বনাশ ! আব তুমি ওকে ছেড়ে দিলে ?
গেল গেল, সব গেল ! শিবদাস মেরেছে আমাকে আব তুমি
মারলে বিনয়কে !

মা ॥ কি ব'লছো ?

প্রমথ ॥ ঠিকই বলছি । ট্রাইক করার কল কী জানো ?

মা ॥ জানি । এর চেয়ে প্তোঃ আর কিছু খারাপ হ'বে

না। মানুষ পাথর নয়। সহ ক'রতে ক'রতে সে একসময়
চেষ্টা করে ওঠে।

প্রমথ ॥ [চেষ্টা করে] তবে আমিও চেষ্টা করে উঠি! সব
জাহান্নামে যাক!

মা ॥ লতি, তোর বাবাকে বারণ কর। আমার শরীর
খারাপ। এখান থেকে যেতে বল।

প্রমথ ॥ যাচ্ছি। আমি এখনি বিনয়কে ফিরিয়ে
আনবো। [প্রশ্রানোদ্ধত]

মা ॥ তুমি ওকে বাধা দিও না।

প্রমথ ॥ [ফিবে বক্রণ গলায়] তুমি কি পাগল হ'য়ে
গেলে? এমনি ক'রে সব ভেঙে দিচ্ছ?

মা ॥ [স্নান হেসে] আমি ভেঙে দিচ্ছি? দেখতে পাচ্ছে
না, কে যেন চারিদিক দিয়ে সব ভেঙে দিচ্ছে!

[তেরো চোদ্দ বছরের একটি ছেলে ঢুকে প্রমথর হাতে একটা কাগজ
দিয়ে বলল—চিঠি। তারপর সে চলে গেল]

মা ॥ কী ওটা?

প্রমথ ॥ দেখছি। [পড়ে বিবর্ণ হ'য়ে গেল। চিঠিটা হাত
থেকে পড়ে গেল]

মা ॥ দেখতো লতি।

লতিকা ॥ [চিঠিটা কুড়িয়ে নিয়ে পড়ে] মা।

মা ॥ কীরে লতি? অমন করছিস কেন?

লতিকা ॥ দাদাকে পুলিশে ধরে নিয়ে গেছে। [মা যেন পাথর]

। প্রমথ ॥ হ্যাঁ, কয়েকজন বন্ধু-বান্ধবের সঙ্গে সে আপিসের সামনে দাঁড়িয়েছিল। পুলিশ সকলকে ধরে নিয়ে গেছে। বিনয়ও তার মধ্যে আছে।

লতিকা ॥ [চোঁচযে] দাদা !

[মঞ্জু প্রবেশ]

মঞ্জু ॥ কী হয়েছে মা ? [কাছে এলো]

লতিকা ॥ দাদাকে পুলিশে ধরে নিয়ে গেছে বৌদি !

[মঞ্জু পাথর হোরে গেছে। তাবপব আন্তে আন্তে বিছানায় বসে পড়লো]

মা ॥ লতি, তোবা শুনতে পাচ্ছিস আওয়াজটা ?

লতিকা ॥ কিসের আওয়াজ ?

মা ॥ ওই যে মড়মড় কোবে সব ভাঙছে—শুনতে পাচ্ছিস না ?

[লতিকা বুঝতে পাবছে না]

প্রমথ ॥ আমি পাচ্ছি।

নেপথ্যে রমেন ॥ মা—লতি—ওরে, জানলাটা খুলে দিয়ে যা না। একটুও আলো নেই যে ! আলো—আলো।

মা ॥ আমাকে একটু ধরতো বে তোরা। একবার বম্বু কাছে যাই। ওকে একটু দেখতে হবে তো !

প্রমথ ॥ বিনয়কে দেখতে যাবে না ?

লতিকা ॥ দাদা ! [ফুঁপিয়ে কাঁদছে]

প্রমথ ॥ চুপ চুপ, কাঁদিসনি ! বিনয় যে জেলে গেছে ! মুখ বুঁজে সহ্য করতে পারেনি কিনা—টেঁচিয়ে উঠতে

গিয়েছিল ! তাইতো ধরে নিয়ে গেল। কিন্তু ও কোথায় থাকবে ? কোথায় রাখবে ওকে ? বড়ো শীত যে ! রাত্রে ও কী গায়ে দেবে ? ওর তো গায়ে দেবার কিছুই নেই। এই শীতে—আমার আলোয়ানটা—[এদিক-ওদিক দেখে কোনের দড়ি থেকে আলোয়ানটা নিষে] এই যে। আহা, রাত্রে ওর বড়ো কষ্ট হবে রে ! তোরা একটু বোস্—বোস্। আমি এখন আসছি।

লতিকা ॥ কোথায় যাচ্ছে বাবা ?

প্রমথ ॥ আমার এই আলোয়ানটা বিনয়কে দিয়ে আসি। শীতে ওর বড়ো কষ্ট হবে কিনা ! এই আলোয়ানটা ওকে দিয়ে আসি।

[প্রশ্নান]

[আন্তে আন্তে মঞ্চের আলো মিলিয়ে যাচ্ছে। দুপাশ থেকে স্পটলাইট পড়লো। তার মধ্যে দেখা গেল তিনজন পাথরের মত বসে আছে]
নেপথ্যে রমেন ॥ আলো—আলো—

মা ॥ [আন্তে আন্তে লতিকা ও মঞ্চের কাছে হাত রেখে উঠেছে]
আলো—আলো !

[পরদা পড়লো]

